

№. №. 5—6

ՄԱՅԻՍ—ՅՈՒՆԻՍ

1887

ԲՈՎԱՆԴԱԿՈՒԹԻՒՆ

№ 5—6

Հրաւէր Գարնան	Մ. Թամրազեանց:
Մանկական աշխարհահայեացք, կամ Լոյս և Սութ աշխարհները	Ղ. Աղայեանց:
Խաղ	Մուշեղ Մամիկոնեան:
Վահան Մամիկոնեան (Հայոց Պատմութիւնը)	Ս. Բաբախանեան:
Սևանայ ծովակը (բանաստեղծութիւն)	Գ. Աստուածատրեանց:
Յովհաննէս Հուս (շարունակութիւն և վերջ)	Փ. Վարդանեան:
Թիթեոն ու ձրագ (բանաս.)	Բնծայացի:

ԳԻՏՈՒԹԻՒՆ

Ազնիւ բուստ Ա. Գ. Քիչմիշեանց

ՀԵՏԱՔՐՔԻՐ ՏԵՂԵԿՈՒԹԻՒՆՆԵՐ

Ապականման թափանցիկ թուղթ: Գազացած ջրի տեղափոխութիւնը: Անուշահոտ քացախ սենեակները համար: Զմեռը սենեակում մարգագետին:

ԱՅԼԵՒԱՅԼՔ

Հայերէն պարբերական հրատարակութիւններ:

ԶՈՒԱՐՃԱԼԻՔ

Հանելուկներ: Կրկնաօգրամ: Առաջարկութիւն: Շուտասելուկ: Բերուս: Նախընթաց №-ի մէջ եղած հանելուկները, առաջարկութիւնները, բերուսի բացատրութիւնը և բերուսի բացատրողներ:

ԵՐԿՐՈՐԴ ԲԱԺԻՆ

ՄԱՏԵՆԱԽՕՍՈՒԹԻՒՆ

Պ. Պ. Աղամեանի «Շէքսպիր և իւր Համլէթ ողբերգութեան աղբիւրն ու քննադատութիւնները» Ղ. Ա.
 «Լեզու Ուսումնաթերթ»-ի լեզուի առիթով . . . Ղ. Աղայեանց:
 Մ ա հ ա ց ու ց ա կ Կոստանդին Մեկիրեան: Խ ա ու ն Լ ու ր ե ր Գ. Զմիկեանի յօրիւանը: Հանելուկ վճռողներ: «Աղբիւր» նուիրողներ: Արուժիւն եւ Մանուէլի բաժանորդներ: Մի մեռնադրութիւն: Մի նոր ուսումնարան: Նոր հրատարակութիւններ: «Աղբիւրը» թղթակցութիւններ: Յայտարարութիւններ:

ԽՄԲԱԳՐՈՒԹԵԱՆ ԿՈՂՄԻՑ

Հասցէն փոխելու համար պէտք է ուղարկել 5 հատ ե օ թ ը կոպէկանոց մարկիւմներ և անդորրագիրը (կամ Հասցէի հին բանդերօլը), որը փոխարէն նորը կուղարկուի, հակառակ դէպքում դարձեալ կուղարկուի հին Հասցէով:

ՀԱՆԿԷՍ ԱՄՍՐԵԱՅ

ԲԱՐՈՅԱԿԱՆ, ՌԻՍՈՒՄՆԱԿԱՆ,

ԱՐՈՒԵՍԱԳԻՏԱԿԱՆ

Հրատարակութիւն Վիէնայի Մեխիթարեան Միաբանութեան

Կը հրատարակուի ամէն ամսոյ սկիզբը:

Բաժանորդագրութեան գինն է կանխելի 8 Ֆր. Վեցամսեայ 5 Ֆր. Մէկ թիւ առանձին կրվածաւուր 1 Ֆր.:

Հասցէն՝ A la Rédaction de la Revue „Hantess“ Au Convent des RR. PP. Mechitharistes A Vienne (Autriche)

VII. Mechitharistengasse 4.

Տ Ե Տ Ե Ս

Ամսօրեայ Հանդէս

Ժողովրդական տնտեսագիտութեան

Տարեկան գինն է ճանապարհատրամուտով 13 շրուշ: Հասցէն՝ Կ. Պօլխ. Զեմլէր-Պէյ խան № 14 Ֆելքիշիլէր փողոց, Ղալաթիա:

Տեօգին ՌՎՐԻՍԷՍ ՅԱԿՈՎԱԲԵԱՆ.

L'AMI DES ENFANTS

ILLUSTRÉ

OU

L'ÉDUCATION

A l'École et dans la Famille.

Directeur: l'Abbé Roussel.

Neuvième année; abonnements un an: 10 fr. Etranger, 12 fr. Un numéro, 30 centimes. Administration, 40, rue La Fontaine, Paris-Auteuil dépôt: 15, rue Fékou (près saint-Sulpice) Paris.

ՄԱՆԿԱՎԱՐԺԱՆՈՅ

Մանկավարժական ամսագիր. տարեկան գինը 5 ռ.: Հասցէն՝ Редакция „Манкаваржаноць“ СІВ. Невскій пр. д. Арм. церкви. Խձը-Հրատ. Խորէն Տ. Վ. Ստէփանէ.

ԽՄԲԱԳՐՈՒԹԵԱՆՍ ՄԻՋ ՎԱՃԱՌՎՈՒՄ ԵՆ ՄԵՐ ՀԵՏԵՒԵԱՆԼ ՀՐԱՏԱՐԱԿՈՒԹԻՒՆՆԵՐԸ

	n. կ.
1) «Աղբիւրի» 1883 թ. փառահազմ	10 —
նոյնը անկազմ	8 —
2) » 1884 թ. փառահազմ 4 —	4 —
նոյնը անկազմ	3 —
3) » 1885 թ. փառահազմ 10 —	10 —
նոյնը անկազմ	8 —
4) » 1886 թ. փառահազմ 10 —	10 —
նոյնը անկազմ	8 —
5) Փայտաշէն խճճից՝ սպիտակ տունը (Չեմս Գարժիլիէի կենսագր.) պատկերազարդ »	60
6) Հսկայ-մրջիւն (պատկերազարդ)	n 40
7) Ժան Բատիստ Լիւլլի մանկութիւնը	n 10
8) Ոսկի ձկնիկ I սերիա	n 30
նոյն » II սերիա	n 05
9) Բուսական աշխարհից՝ մշակուած և անմշակ ծառի կեանքը	n 30
10) Չարածձի Արամի արկածները (38 պատկերներով)	n 50
11) Ֆրէտեօֆ դիւցազն (նորմանական հին շրջց, պատկերազարդ)	n 40
Ն. Տ.-Ա.ԻԵՏԻՔԵԱՆ Քնար խօսնակ	n 50
ԼԻՏՎՈՍ Պօղնանի ուսուցչի օրագրէց	n 20
Ա.Լ.ՅՕՆՍ ԴՕԴԷ Երևու մանրակէպ	n 15
ԱՆԿԵՐՍԷՆ Սոխակ և խոզարած	n 20
ԴԻԿԷՆՍ Հարս և սկիտուր	n 15
Կ. Մ. ՇԱՀՆԱԶԱՐԵԱՆ Ղըլըցի կըմաննց պընը-փէշակը (Ղարաբաղի կեանքից)	n 20

ՄՇԱԿ

Հրատարակվում է Թիֆլիզում, նոյն դիրքով և նոյն պրոգրամայով: «ՄՇԱԿԻ» տարեկան գինը 10 ռ. է, վեց ամսուանը 6 ռ.:

Գրուել «ՄՇԱԿԻՆ» կարելի է ՔԱՐՍԻՍՏԱՆԸ (Բարձրագույն և Բազմաբնույթ փողոցների անկյունում, Թամազյեի տանը):

Կայսերութեան ուրիշ քաղաքներից «ՄՇԱԿԻՆ» գրուելու համար պէտք է գրիմել հետևեալ հասցէով. ТИФЛИСЪ, Редакция газеты «МШАКЪ». Իսկ արտասահմանից. Tiflis. Rédaction du journal arménien «MSCHAK» Խմբ.-Հրատարակող՝ ԳՐԻԳՈՐ ԱՐՇՐՈՒՆԻ



Պատկերազարդ Հրատարակութեան ամիսը երկու անգամ. տարեկան գինը 4 ռ.: Հրատարակվում է Պոլսում. ստորագրուել կարելի է «Աղբիւր» ամսագրի խմբագրատանը:

ԴԻՏԱԿԱՆ ՀՈՐԺՈՒՄ

Հանդէս ամսեայ

Հրատարակվում է Կ. Պոլսում.

Տնօրէն խմբ. Տաղախարեան

Բաժանորդ գրուել կարելի է «Աղբիւրի» խմբագրութանը: Գինն է 2 ռ. 50 կ.

ԱՐԱՐԱՏ

Կրօնական, պատմական, բանասիրական ամսագիր. տարեկան գինը Ռուսաստանում 4 ռ.: Հասցէն՝

Св. Эчмиадзинъ, Ред. „Араратъ“.

Ս. Վ. ԱՐՂՈՒԹԵԱՆԻ

Մանկական Պարտէզ երկու սեռի երեխաների միասնաբար ուսման համար և օրիորդաց գիշերօթիկ ուսումնարան:

ԱՂԲԻՒՐ

ՄԻՇՄՍԵՏԻ ՊԵՏԵՐՍԵՆԻ ԶԵՆՈՒՄ (Երեխաների և դաստիարակների համար) Հրատարակվում է միևնոյն դիրքով, միևնոյն ուղղութիւնով և նոյն աշխատակիցների մասնակցութիւնով:

Հասցէն՝ Тифлисъ, Редакция „Аг-бюръ“, իսկ արտասահմանից՝ Tiflis (Caucase) Rédaction du journal „AGBUR“.

Խմբ.-Հրատ. Տ. Նաղարեանց:

Լոյս տեսաւ

Գ. Կաֆեանի լծարգմանութեամբ

ՕՐ. ՍԻԻՋԱՆ ԿՕՐԵԱՅԻ

Ե Ր Ե Խ Ա Ն Ե Ր Ը

ԵՒ

ՆՐԱՆՑ ԲԱՐԵՎԵՄՆԵՐԸ

Վերնագրով մանկական պատկերազարդ շքեղ հրատարակութիւնը: Գինը 50 կ. է, «Աղբիւրի» բաժանորդների համար 40 կ.

Ծախվում է «Աղբիւրի» խմբագրատանը և Թիֆլիզի յայտնի գրավաճառանոցներում:

ՔՈՂՄԱՎԷՊ

Նստակց պատկերազարդ հանդիսարան.

Բաժանորդագրուելու գինն է կանխիկ վճարելի. 10 Քս. (4 ռ.)

Հասցէն՝ Au Rédacteur de la Revue Polyhistore, à Venise, Ile de St. Lazare.

ՐՈԴՆԻԿЪ

Дѣтск. иллюстр. ежемѣсячн. журн. подпис. цѣн. съ прилож. „Воспит. и Обучен.—6 р. Въ видѣ прѣміи год. подпис. пол. тетр.-альб. „По Рус. Землѣ“.

Ред.-Изд. Е. Сысоева. Подпис. цен. 6 р. съ пересыл. С. П. В. Никольская площ. д. № 4.

Ա Ղ Բ Ի Ի Ր

ՄԻԱՍՍԵԱՅ ՊԱՏԿԵՐԱԶԱՐԴ ՀՐԱՏԱՐԱԿՈՒԹԻՒՆ

Ե Բ Ե Խ Ա Ն Ե Բ Բ

ԵՒ

ԳԼՍՏԻԵՐԱԿՆԵՐԻ ՀԱՄԱՐ

ՀԻՆԳԵՐՈՐԴ ՏԱՐԻ

№ № 5—6

ՄԱՅԻՍ—ՅՈՒՆԻՍ

ԹԻՖԼԻՉ

ՅՈՎՀԱՆՆԵՍ ԻՄՈՏԻՐՈՍՅԱՆՅԻ ՏՊԱՐԱՆ

ՈՐԵՆԵԱՆ ՓՈՂՈՑ, № 1 | 2

1887

Дозволено цензурою, Тифлисъ, 10 Мая 1887 г.

Типографія И. Мартиросіанца, на Орб. ул., д. № 1 и 2

ՀՐԱԻԷՐ ԳԱՐՆԱՆ



ունվար, դու գնա, փետրվար,
արի,
Գուցէ թէ բերես մի փոքր
բարի.

Դառնաշունչ հողմերն մեզ սպանեցին,
Ու ազատ կեանքերս բանտարկեցին:

Խնդրում ենք՝ շուտ գաս, Փետրվար ամիս,
Թէև դու չես մեր ծաղկազարդ Մայիս.
Սակայն քեզանից գարնան հոտ կուզայ,
Եւ մեզ խնդութեան աւետիս կուտայ:

Գիտես ովքեր են քեզ խնդրողները,
Հոգով ու սրտով փափագողները.—
Դպրատանց մատաղ տղայքս ու աղջկուներ,
Որ ցրտի ձեռքից թափենք արտասուներ:

Դէ՛հ, շարժիր տեղիցդ, Մարտին էլ կանչէ,
Քանզի Մարտի մէջ՝ սար-ձոր կանանչ է.
Իսկ թէ Ապրիլն էլ գայ ու միանայ,
Անպիտան ցրտիցն էլ չենք վախենայ:

Թող ինչքան կամի պաղ քամին փչէ,
Բայց մեզի համար էլ երբէք հոգ չէ.
Գիտենք որ ձեզնից յետ կրգայ գարուն,
Կտայ մանկանցս կեանք ու բերկրութիւն:

Արեւի Մայիս, շուտ արի հանդէս,
Որ ծաղիկներով դաշտերը ծածկես,
Մռայլ Փետրվարն ու մեր գիժ Մարտը,
Թող զնան մտնեն ան-եւ թակարդը:

Իսկ տկար մանկանցս, Տէր Աստուած հզօր,
Որ միշտ կը յիշենք անունդ փառաւոր,
Տուր զգաստութիւն և շնորհ ուսման,
Ամեն օր սիրով դիմենք վարժարան:

ՄԱՅԱԿ ԹԱՄՐԱԶԵԱՆՅ



Մ Ա Ն Կ Ա Կ Ա Ն

ԱՇԽԱՐՀԱՅԱՅԵԱՅՔ

ԿԱՄ

ԼՈՅՍ ԵՒ ՄՈՒԹ ԱՇԽԱՐՀՆԵՐԸ



րեխէրք, նայեցէք այս վայր ընկած չինարի ծառին, տեսէք ինչպէս մեկնուել է, և արդէն սկսել է փթիլ: Մի ժամանակ սա դալար է եղել և ձեզ նման փոքր: Բայց երբ որ սկսել է բարձրանալ, շատ զոռոգացել է: Պտուղ չի ունեցել, որ ճղները կռացնէր, գլուխը խոնարհեցնէր: Աստուած սրան բարձրանալու շնորհք է եղել տուած, բայց սա իր գլխի պատիւը չի իմացել, Աստուծոյ ողորմութիւնը չի հասկացել: Այս լիմարն ուզեցել է այնքան բարձրանալ, որ գլուխը երկինք հասցնէ և իր ճղներով երկինքի սիրտը ծակծրկէ: Աստուած բարկացել է սրա զոռոգ մտածութեան վրայ և ահագին բարձրութիւնից տապալել է»:

Այս խօսքն ասողը Գիւլնազ տատն էր, որի անունը դուք, իմ փոքրիկ ընթերցողներ, պէտք է որ լսած լինիք: Լուսահոգին ամեն բան գիտցող մի պառաւ էր և շատ երեխայասէր: Օրը ցերեկով բոլոր երեխէքս հաւաքուել էինք մօտը, յոգնած լինելով շատ խաղալուց, որ տատի-

կը մի բան պատմի մեզ, որ մենք Համ լսենք, Համ Հան-
զըստանանք: Գուրար, կանաչ խոտի վրայ, մի տանձենու
շուաքում էինք նստոտել: Եղանակը գարնանային էր:

—Մենակ ծառերը չեն, որ չիմարաբար դուռոզանայ
դիտեն. մի ժամանակ մարդիկն էլ են այդպէս եղել: Նը-
րանք էլ մի աշտարակ են շինել այն մտքով, որ նրա
ծայրը երկինք Հասցնեն և այնտեղից Աստուծոյ Հետ կը-
ռիւ սկսեն: Աստուած Համբերել է մի առ ժամանակ, մին-
չև նրանք աշտարակի ծայրը մօտեցրել են երկնքին և
սկսել են աւելի դուռոզանալ: Գրա վրայ Աստուծոյ Համբե-
րութիւնը Հատել է. նրանց աղմուկից ու աղաղակներից
ձանձրացած, սաստիկ քամի է բարձրացրել և աշտարակի
ամեն մի քարը, ամեն մի քարփիջը ուրիշ ուրիշ աշխարհք
է զցել . . .

—Ո՛հ, ինչքան բարձր է եղել այդ աշտարակը, որ
ծայրը մինչև երկինք է Հասել, բացառանջեց երեխանե-
րից մէկը:

—Աշտարակը չի եղել բարձր, ծագրեց նրան մի ու-
րիշը, այլ երկինքն է եղել ցածր: Այնպէս չէ՞, տատիկ, որ
երկինքն առաջ մեզանից շատ մօտիկ է եղել:

—Այո՛, երկինքը մեզանից մօտիկ է եղել, բայց
այդ եղել է աշտարակը շինելուց առաջ: Աշտարակը շի-
նելիս երկինքը բարձր է եղել, և աշտարակն էլ այնքան
բացձրացրած են եղել, որ նրա գլուխը գետնքից երևալիս
չի եղել. այնքան բարձր է եղել, որ ձմեռը նրա վրայ
բարձրացողը մինչև ամառը Հագիւ է եղել ցած գալիս . . .
Բայց դրանից առաջ, ճշմարիտ է, երկինքը, շատ մօտիկ
է եղել մեզանից, այնքան մօտիկ, որ երեխէրքը գնդակ
խաղալիս շատ անգամ երկնքին է եղել դիպչում գնդա-
կը և այնտեղ էլ մնում:

—Ինչո՞ւ էր այնտեղ մնում գնդակը, տատիկ. թող
դիպչէր, էլ չետ վայր ընկնէր—Հարցնում էինք մենք և

մի և նոյն ժամանակ աւելի մօտենում տատիկին, որ լաւ լսենք նրա պատմութիւնը երկնքի մօտիկութեան մասին:

—Նրա համար էր այնտեղ մնում, որ երեխէրքը միւս անգամ երկնքին չխփեն և Աստուծուն անհանդիստ չանեն: Հապա չէ՞ք լսել, որ մէկ անգամ Արեւամանուկը պատահամբ իր նետը դիպցրել էր Արեգակին, նա էլ անիծել էր Արեւամանուկին դրա համար և ասել. «Այսուհետև ցերեկները չապրիս դու, որ իմ երեսը չտեսնես»: Այնուհետև խեղճ Արեւամանուկը ցերեկները մեռնում է եղել և գիշերը կենդանանում: Նրան այդ պատժից ազատում է Արեւահատը՝ Օձամանուկի նշանածը: Ռայց Արեւահատի վերջը ձեզ չեմ պատմել կարծեմ:

—Հիմա պատմիր, տատիկ, հիմա պատմիր, ազաղակեցին երեխաներից մի քանիսը, իսկ միւսները զանազան հարցումներ արին երկնքի մօտիկութեան մասին. . . .

* * *

Իրւնագը մի բան պատմելիս պարապ չէր նստում. նա կամ գուրբայ էր անում, կամ իլիկ մանում և կամ ակնոցը քթին դրած՝ երեխաների պատուտած շորերն էր կարկատում: Երբեմն էլ՝ ձեռքի գործը մի կողմ էր դնում և երեխաներից մէկի կամ միւսի զլուխը քաշում դնում ծնկան վրայ, որ տեսնի հարսները լսւ են լուացել երեխի զլուխը և մաքրել թէ ոչ: Նա մի և նոյն ժամանակ առանց ուշադրութեան չէր թողնում տան հոգսը. շատ անգամ միջահատում էր իր պատմութիւնը և զանազան հրամաններ տալիս այս և այն հարսին: Երեխէրքըս դիտէինք այդ և ամենայն զգուշութեամբ փաղաքշում էինք նրան, փալփալում, որ նա ուրիշ ոչ մի բանի վրայ ուշադրութիւն չդարձնէ, այլ միայն մեզանով զբաղուի, մեր հետաքրքրութիւնը լցնէ:

* * *

—Այո՛, մի ժամանակ երկնքը շատ մօտիկ էր երկ-

րից—շարունակեց տատիկը:—Երկնքից լսվում էր Աստու-
ծոյ ձայնը. Նա՛ անտեղից խօսում էր մարդոց հետ և
յայտնում էր նրանց իր կամքն ու հրամանը. պատուէր-
ներ էր տալիս և հասկացնում էր, թէ ինչ պէտք է ա-
նեն և ինչ չպէտք է անեն:

«Ուզիդ կէս գիշերին լսվում էին հրեշտակների քաղցր
մեղեդիքը: Աքաղաղներն ամենից առաջ էին լսում նրանց
ձայնը և իրանց միաձայն կանչիւնով զարթեցնում էին
մարդկեանցը, որ վեր կենան և հրեշտակների հետ միա-
սին փառաբանեն Աստուծոյ հազար ու մէկ անունը. . .

«Աքաղաղները հիմա էլ են լսում հրեշտակների ձայ-
նը», աւելացնում էր տատիկը և խոր հոգոց քաշում մի
այնպիսի ձևով, որ կարծես ինքն ասլրած լինէր այն հին
ժամանակումը, իր ականջովը լսած լինէր Աստուծոյ ձայ-
նը և հրեշտակների մեղեդիքը, և այժմ զրկուած այն եր-
ջանկութիւնից:

*
* *
*

Ջարմանալի մի աշխարհ է մանկական աշխարհը.
ափսոս որ մարդ խելահաս եղած ժամանակ՝ էլ չի կարո-
ղանում մտնել այդ աշխարհը, որ իր առաջուան լսած-
ները մէկ անգամ էլ լսէ: Ամենայն ինչ, որ մանկութեան
ժամանակ մօտիկ էր, մեծացած ժամանակ հեռանում է.
ինչ որ հեշտ էր, դժուարանում. ինչ որ պարզ և հաս-
կանալի էր, խաւարում է և անըմբռնելի դառնում: Ինչ-
քան հիմա ես յիշում եմ, մանկութեանս ժամանակ մեզ
համար ոչ մի վերացական բան չկար, ամենայն ինչ տե-
սանելի և շօշափելի էր:

—Առաջ Մութ աշխարհն էլ է եղել մեզանից մօ-
տիկ, ասում էր Գիւլնազ տատը: Պատահել է, որ աղ-
ջկէրքն իլիկ մանելիս՝ յանկարծ թելը կտրուել է և իլիկը
մի հորի միջով ընկել է Մութ աշխարհը: Եթէ իլիկ մա-
նող աղջիկը մի բարի աղջիկ է եղել, Ներքի աշխարհի

բարի պառաւանները նրա իլիկը վեր նետելով՝ յետ են դարձրել նրան: Բայց Հիմա Ներքի աշխարհն էլ է հեռացել մեզանից:

Գիւլնաղ տատը մի երկար հեքիաթ էր պատմում, որը մէջ Մութ կամ Ներքի աշխարհի մասին մի այսպիսի կտոր կար—

. . . Անտես-Աննմանին դէվը փախցրեց: Թագաւորազն Գուրգէնը, որ Աննմանի փեսացուն էր, վեր առաւ իր երկու եղբայրներին և դէվի հետքովը գնաց և գտաւ նրան մի հորի մէջ: Դէվը մրափած էր: Այդ երևում էր նրանից, որ հորի բերանից ծուխ ու բոց էր ըղխում: Այդ դէվի արտաշնչութիւնն էր: Մեծ եղբորը կախեցին հորի մէջ, որ երթայ ազատէ Աննմանին. նա չկարողացաւ կրփակին դիմանալ և աղաղակեց—վնայ, այրուեցայ, այրուեցայ»... Նրան դուրս քաշեցին և միջնակին կախեցին. նա էլ աղաղակեց—վնայ, այրուեցայ: Նրան էլ դուրս հանեցին: Յետոյ Գուրգէնն ասաց. «Հիմա ինձ կախեցէք, և ինչքան էլ աղաղակելու լինիմ, թէ այրուեցայ, վեր չհանէք: Եւ ճշմարիտ՝ Գուրգէնը գնաց մինչև հորի յատակը, առանց ձայն հանելու: Այնտեղ նա գտաւ Անտես-Աննմանին: Նրա ծնկան վրայ էր դրել հրէշ դէվն իր գլուխը և քառասուն օրով մրափել: Այնտեղ կախած էր և դէվի թուրը: Միայն այն թրովը կարելի էր կտրել նրա գլուխը և այն էլ մէկ գարկով միայն. եթէ երկրորդ անգամ գարկէին, նա կրկին կրկենդանանար:

Աննմանը ծունկը դուրս քաշեց թէ չէ՝ դէվը գարթեցաւ և իսկոյն ոտքի կանգնեց, բայց և մի և նոյն ժամանակ թուրը պսպղաց և դէվի գլուխն ընկաւ գետին:— «Մէկ էլ գարկիր, մէկ էլ, մէկ էլ»... ղլղացրեց գլուխը, բայց Գուրգէնը չզարկեց և ասաց. «Ես մէկ անգամ եմ ծնուել իմ մօրից և ոչ թէ երկու անգամ»:

Հրէշ դէվին սպանելուց յետոյ Գուրգէնն ու Ան-

նմանը պտըտեցին դէվի ստորերկրեայ ընդարձակ բնա-
 կարանը և ինչ որ գանձ ու հարստութիւն ունէր, բոլորն
 էլ ժողովեցին և վեր բարձրացնել տուին: Երբ որ մնացին
 միայն իրանք, սկսեցին երկար վիճել, թէ ով իրանցից ա-
 ուաջ բարձրանայ: Աղջիկը տեսաւ որ Գուրգէնը յամառու-
 թեամբ չի ուզում ինքն առաջ բարձրանալ, ատայ նրան.
 — Ես շատ կասկածում եմ, թէ մի դուցէ քո եղբայրներդ
 քեզ վեր չհանեն և դու մնաս հորի մէջ: Եթէ իմ նա-
 խաղղայմունքս կատարուելու լինի, դու կերթաս դէվի
 գոմը, այնտեղ քո առաջդ կըզան մի սև ալծ և մի սպի-
 տակ ոչխար. եթէ կարողանաս ոչխարի վրայ նստել, նա
 քեզ վեր կըհանէ Լոյս աշխարհք, իսկ եթէ չկարողանաս,
 և այժն ընկնի տակդ, նա քեզ կըտանէ Մութ աշխարհ,
 որտեղից դու այլ ևս Լոյս աշխարհ ընկնիլ չես կարող:
 Այս ասելուց յետոյ Աննմանը վեր բարձրացաւ, իսկ Գուր-
 գէնին նրա անիրաւ և անգութ եղբայրները թողեցին հո-
 րի մէջ . . .

Գուրգէնը շատ աղաչեց, պաղատեց և տեսաւ որ իր
 եղբայրները սիրտը քարացել է, ճարը կտրած՝ գնաց դէ-
 վի դէվի գոմը, որ փորձէ իր բախտը—նստէ ոչխարի վը-
 րայ: Բայց անիրաւ այժը այնքան ճարպիկ էր, որ ոչխա-
 րին պողահարելով մի կողմ ձգեց և ինքն ընկաւ Գուրգէ-
 նի տակը և տարաւ ձգեց Մութ աշխարհը:

Այդ աշխարհն էլ մեր աշխարհի նման քաղաքներ և
 գիւղեր ունէր և մինչև անգամ գիշեր ու ցերեկ կար, թէև
 ասվում էր Մութ: Նա մի քաղաքում իջևանեցաւ մի պա-
 ռաւի տան և նրանից իմացաւ, որ քաղաքացիք ջրի պակա-
 սութեան համար շատ նեղութեան մէջ են: «Ամբողջ քա-
 ղաքում մի աղբիւր կայ միայն, բայց նրանում էլ բոյն է
 դրել մի ահազին վիշապ և ամենայն օր մէկ աղջիկ են
 տանում զցում նրա երախը, որ ապա թոյլ է տալիս ջուր
 վերցնելու: Իզուց էլ հերթը մեր թագաւորի միամօր աղ-

ջկանն է, նրան պիտի տանեն ահռելի դաղանի բերանը ձգեն», ասաց պառաւը և սկսեց լայ:

Գուրգէնը շատ ծարաւած էր, այս որ լսեց, նրա ծարաւն աւելի ևս սաստկացաւ: Միւս առաւօտ, դեռ լոյսը չբացուած, վեր կացաւ նա և պառաւին էլ գարթեցրեց, որ տանէ աղբիւրի տեղը ցոյց տալ իրան: Պառաւը տարաւ նրան և հեռուից ցոյց տուաւ աղբիւրը: Գուրգէնը՝ դէվի թուրը ձեռին՝ մօտեցաւ և տեսաւ մի լիճ, որի մէջ մեկնուել էր վիշապը մի ահագին լեռնակղզու պէս: Ամբողջ լիճը ժահահոտութեամբ և ապականութեամբ թունաւորուած էր: Վիշապի գլուխը դտնվում էր աղբիւրի ակնումը, որ բղխում էր մի լայնաբերան քարայրից: Նա անշարժ էր, կարծես թմրած լինէր կամ մրափած:

Վիշապի գլխավերեւը նոր արդէն մի ծառից կասել էին թագաւորի աղջկանը, որին պիտի կույ տար վիշապը մի քանի բոպէից յետոյ: Աղջիկն արդէն մեռելի դոյն էր ստացել: Գուրգէնը մօտեցաւ նրան, կապերն սրձակեց և սիրտ տուաւ, որ չվախենայ: Թուրը ձեռին մօտեցաւ վիշապին և այնպիսի մի հարուած տուաւ նրա վզին, որ վիշապը երկու ահագին կտոր դարձաւ, իսկ լիճն արեան ծով: Թագաւորի աղջիկը ձեռքը թաթախեց արեան մէջ և Գուրգէնի մէջքին նշան դնելով, ինքը վազեց տուն, որ թագաւորին լայտնէ եղելութիւնը: Հաւաքուեցան բոլոր քաղաքացիք և քառասուն ջուխա գամշով հաղիւ կարողացան ամեհի գազանի գէշը դուրս քարշել այնտեղից և մաքրել աղբիւրը:

Թագաւորն ուզեց վարձատրել Գուրգէնին, և մունետիկ ձգեց քաղաքի մէջ, որ վնտրեն նրան և բերեն, և գտան նրան թագաւորի աղջկան գրած նշանով:

Թագաւորն ասաց Գուրգէնին. «Գու որ փրկեցիր ինձ և իմ ժողովրդին չար վիշապի դերութիւնից, այսօր դու

ես մեր տէրը և թագաւորը. ուզիր իմ աղջիկս և իմ տեղ թագաւոր եղիր:

Գուրգէնը պատասխանեց. «Նո այս երկրիցը չեմ. ես Լոյս աշխարհքիցն եմ ընկել այստեղ». և սկսեց պատմել իր գլխի անցքը և յետոյ աւելացրեց. «Նթէ կարողանաք ինձ Լոյս աշխարհք գցել կրկին, ես ուրիշ բան չեմ ուզիլ ձեզանից:

Թագաւորն ասաց. «Այդ անհնարին բան է. Լոյս աշխարհքը շատ և շատ բարձր է մեզանից. ո՞վ կարող է քեզ վեր թռցնել և տանել այնտեղ:

Գուրգէնն ասաց. «Ինչպէս լինի, ես պէտք է վեր բարձրանամ. քո առաջարկութիւնը ես ընդունել կարող չեմ:

Թագաւորն ասաց. «Ի՞նչ գիտես. բայց որ չկարծես, թէ ես ընդդէմ եմ քո գնալուն, ես կըժողովեմ իմ աշխարհի բոլոր գիտուններին, թող նրանք մեզ ասեն, թէ արդեօք մի հնար կան վեր բարձրանալու: Եւ մինչև այդ, իմ իշխանութիւնը և բոլոր հարստութիւնս քեզ եմ յանձնում. . .

Թագաւորը ժողովեց իր բոլոր աստղաբաշխներին, իմաստուններին և յայտնեց նրանց Գուրգէնի ցանկութիւնը: Նրանք ասացին, թէ հին ժամանակներում, ճշմարիտ է, Ներքին և Վերին աշխարհների մէջ սերտ յարաբերութիւն է եղել, բայց յետոյ՝ մեր մեղքիցն է եղել, թէ պատահմամբ, մեր աշխարհը ցածրացել է, առաջ քիչ և յետոյ շատ: Լսած ենք, որ մեր հեռացած ժամանակն էլ մի սանդուխք է եղել և այդ սանդուխքով արդար մարդիքը վեր բարձրանալիս և վայր իջնելիս են եղել, բայց հիմա այդ սանդուխքն աներևութացել է, էլ չի երևում»...

Այսպէս Գուրգէնը մնաց Մութ աշխարհում մոլորում: Սկսեց պարտել զանազան տեղեր, հարց ու փորձ անել և ոչ մի տեղից մի դուռ չգտաւ վեր բարձրանալու:

Մէկ օր դուրս էր եկել որսորդութեան: Ղատ ման գալուց յողներով՝ նստեց մի հսկայական ծառի տակ, որ փոքր ինչ հանգստանայ, մէկ էլ մի ծվծվոց լսեց ծառի վրայից. նայեց, և... ի՛նչ տեսնի... Ծառի վրայով սողում էր մի ահռելի սև վիշապ դէպի մի մեծ բոյն, որի մէջ լիքն էին մեծ-մեծ թռչուններով, բայց դեռ չէին թևաւորուած: Երևում էր, որ դրանք ձագուկներ էին մի հրսկայական թռչունի: Այդ ձագուկները օձին տեսնելով սարսափի մէջ էին ընկել և սկսել էին ծվծվալ: Այս որ տեսաւ Գուրգէնը, առաւ իր նետաղեղը և ուղղակի շեշտեց վիշապի գլխին և վայր կործանեց: Յետոյ հանեց դէվի թուրը և վիշապին կտոր-կտոր անելով, մի ահագին բրլուր շինեց: Այս բարեգործութիւնից և քաջութիւնից սիրտը մխիթարուած, պառկեց ծառի ստուերումը և խոր քրնի մէջ մտաւ:

Այս անցքից մի քիչ յետոյ թռչունների մայրը թրուած եկաւ և Գուրգէնին տեսնելով այնտեղ սլառկած, կարծեց, թէ նա է իր թշնամին, որ ամենայն տարի կտտորում է իր ձագերին: Նա իսկոյն յետ դարձաւ և իր ճանկերով մի ջաղացաքար, թէ ահագին փայռ վերցրած բերաւ որ ձգէ Գուրգէնի վրայ: Այս որ տեսան ձագուկները, մի սարսափելի ծվծվոցով և աղաղակով զգուշացրին իրանց մօրը և հասկացրին, որ Գուրգէնը ոչ թէ նրանց թշնամին, այլ իրանց ազատարարն է:

«Նայիր, ասացին, մայրիկ, այդ բլրի վրայ և տես ինչ գազան է. դա գալիս էր, որ մեզ ուտի, և այդ մարդն էր, որ սպանեց դրան և մաս-մաս արաւ»: Այս որ լսեց մայր թռչունը, երախտազիտական զգացմունքով լցուած, փայռը տարաւ առաջուան տեղը դրաւ և վերադարձաւ իր ձագուկների մօտ,

Գուրգէնը դեռ քնած էր: Ծառի ստուերն անցել էր միւս կողմը և արևն ընկել էր Գուրգէնի վրայ: Օրը շատ

շող էր: Մայր թռչունը, որ ասիում էր Զումբուլթ-Ղուշ, չուզեց Գուրգէնին դարձեցնել. նա իր հսկայական թևերը փռեց ամպավաճառ պէս և շուռք արաւ. Գուրգէնի վերայ, որ նա հով-հով քնէ: Վերջը, Գուրգէնը որ դարձեցաւ, կարծեց, թէ մի՞թե՞նել է արդէն, բայց թռչունը որ թևերը չես քաշեց, կրկին լուսացաւ և Գուրգէնը տեսաւ հսկայ Զումբուլթին, որ խօսեց Գուրգէնի հետ և ասաց.

—Ով ազնիւ երիտասարդ, դու իմ փրկիչն ես երկրնքից իջած. դու այնպիսի մի բարեբարութիւն ես արել ինձ, որ չգիտեմ ինչո՞վ կարող եմ վարձատրել քեզ: Ահա ուղիղ հարիւր տարի է, որ ես չէի կարողանում ազատել իմ ձայերին այդ անգութ դադանի ձեռից: Այսօր դու փրկեցիր ինձ դրա ձեռքից, ազատեցիր իմ ամբողջ սերունդը: Օ... եթէ դա գոյի պէս չհետամտէր, եթէ ես կարողանայի գոնէ մէկ անգամ տեսնել դրան, դրա զլուխը կըջախջախէի... «Ո՞վ պատուական և քաջ երիտասարդ, ինչ ես կամենում, որ ես քեզ համար ձեռք բերեմ. ո՞ր թագաւորութիւնն ես ուզում, որ քեզ տամ. ո՞ր թագաւորի ազդէին ես ուզում, որ դնամ բերեմ. որքան հարստութիւն ես ուզում, որ աշխարհիս ամեն ծայրից հաւաքեմ բերեմ քեզ համար. ասա ինձ և ամենայն ինչ մի ակնթարթի մէջ կրկատարեմ ես:

—Ես ոչինչ չեմ ուզում, պատասխանեց Գուրգէնը քնաթաթախ, աչքերը տրորելով... Ես ոչինչ չեմ ուզում, այլ միայն Լոյս, Լոյս—Աշխարհք, կարո՞ղ ես տանել ինձ Լոյս—Աշխարհք . . .

—Լոյս—Աշխարհք... բացազանչեց Զումբուլթը: Ուրեմն դու այնտեղից ես բնկել մեր աշխարհք, և ի՞նչ հրաշքով:

Գուրգէնը պատմեց իր գլխի անցքը:

—Չատ լաւ, ասաց Զումբուլթը, ես քեզ կըտանեմ Լոյս—Աշխարհք, թէպէտ դա մի շատ գժուար ճանա-

պարհորդութիւն է թէ ինձ համար և թէ քեզ համար: Քառասուն օր հազիւ կարող ենք հասնիլ: Միշտ թուած պիտի գնամ. իջնելու տեղ չկայ: Մեզ հարկաւոր է քառասուն օրուան պաշար վերցնել հետներս. քառասուն ոչխար և քառասուն տիկ ջուր: Գու կերթաս այդ տկերն ու ոչխարները կըբերես թագաւորից և մենք ճանապարհ կընկնինք տասն օրից յետոյ, երբ որ ձագուկներս թըռոցրած կըլինիմ:

Գուրգէնը՝ ճանապարհ ընկնելու օրը՝ քառասուն ոչխար մորթեց և ամեն մէկը չորս կտոր արաւ և դարսեց պարկերումը, տկերն էլ ջրով լցրեց, բոլորը դարսեց Զումրուլթի վրայ և ինքն էլ նստեց վրան: Զումրուլթն ասաց. «Եթէ գլուխ աջ կողմդ մեկնեմ, մի կտոր միս կըզցես բերանս, իսկ եթէ ձախ՝ տկի բերանը կըզնես բերանումս»: Այս ասաց Զումրուլթն ու թուաւ և ամպերը ճեղքելով բարձրացաւ դէպի Լոյս—Աշխարհք:

Քառասուն օրը լրացաւ, բայց նրանք դեռ տեղ չէին հասել: Մտի պաշարը հատել էր: Զումրուլթը գլուխը մեկնեց դէպի աջ. Գուրգէնը այլ ևս միս չունէր, որ գցէր բերանը: Հանեց թուրը և իր ոտքից մի կտոր միս կտրեց և զցեց Զումրուլթի բերանը: Սրանից յետոյ մի ժամ չանցած, Զումրուլթն իջաւ Լոյս—Աշխարհքի վրայ: Գուրգէնը վայր իջաւ արիւնսաթաթախ և չկարաց ոտքի վրայ ուղիղ կանգնել, ոտքի ջլերը կտրատել էր: Զումրուլթն ասաց. «Գուրգէն, ես քո միսը չկերայ. հանիւր, ահա՛ն բերանումս է, դիր տեղը և իմ թևս քսիլս վրան, իսկոյն կառողջանայ»: Գուրգէնն էլ այնպէս արաւ և իսկոյն առողջացաւ:

Յետոյ Զումրուլթը Գուրգէնին մի քանի խրատներ տուաւ, թէ որտեղ պիտի գտնէ Աննմանին, իսկ ինքը, նոր պաշարով բեռնաւորուած՝ մնաս բարով ասաց Գուրգէնին և դարձաւ կրկին դէպի Ներքի աշխարհը . . .

Ահա թէ ինչ էր պատմում Գիւլնազ տատը Մուլթ

կամ Ներքի աշխարհի մասին: Երկինք գնալը այսքան դժուարութիւն չունէր: Արեւհատը Արեւամանուկին ցերեկուայ մահից ազատելու համար, մի ջուխտ երկաթէ տրեխ է հագնում և մի երկաթէ գաւազան է բռնում ձեռին և ճանապարհ է ընկնում դէպի արեւուտք: (Այսպէս էին անում առ հասարակ, որոնք որ ուզում էին Աստուծոյ մօտ գնալ: Այնքան գնում էին, որ տրեխները մաշվում էր, գաւազանի ծայրը կոտրվում: Այդ նշան էր, որ արդէն աշխարհի ծայրն են հասել): Արեւահատի տրեխները որ մաշվում է, նրա առջև բացվում է մի հրեղէն պալատ: Ներս է գնում և տեսնում է այնտեղ նստած Արեւամօրը, այսինքն Արեգակի մօրը, որ մի շատ սիրուն պառաւ է լինում: Արեւամայրը նրան սիրով ընդունում է, իմանում է գնալու պատճառը և թաքցնում է նրան, որ տղան՝ Արեգակը՝ չտեսնէ նրան: Երեկոյին տղան ներս է մտնում, շատ շոգած ու քրտնած... մայրը նրան աղաչում է, որ խնայէ Արեւամանուկին և ազատէ նրան մահից: Տղան մօր խօսքը չի կոտրում. վեր է առնում մի կտոր բամբակ, իր քրտինքը սրբում է նրանով և ասում է. ահա այս է նրա դեղը. եթէ իմ քրտինքը քսեն նրա երեսին, նա կառողջանայ, բայց ո՞վ կրտանէ: Այստեղ մայրը յայտնում է Արեւահատի դալը, դուրս է բերում նրան թաքցրած տեղից: Արեգակը նրան սիրով ընդունում է և կարճ ճանապարհ է ցոյց տալիս կրկին իր տեղը գնալու:

* * *

Դիւլնազ տատը, որ այս հէքիաթում Արեւի համար ասում էր, որ տղայ է, նա ուրիշ անգամ ասում էր. Արեգակն ու Լուսինը քոյր ու եղբայր են: Մօր մասին խօսք չկար: Նա ասում էր. որովհետև Արեգակն աղջիկ էր, զիշերը վախենում էր ման գալ, իսկ ցերեկը՝ ամաչում: Լուսինը նրան մի բուռը լիքն անեղ տուաւ և ասաց. «Ով որ քեզ մտիկ տայ, դու այս ասեղներով կրծակծկես նրա

աչքերը: Այնուհետև քոյրն սկսեց ցերեկը ման գալ, իսկ եղբայրը՝ գիշերը:

Գիւլնազը՝ չէր ասում, որ ցերեկի պատճառը Արեգակն է, որ առանց արեգակի ցերեկ չի լինիլ: Աչ. ցերեկն ինքն իր համար մի ջուկ բան է, գիշերը ջուկ: Արեգակ լինի, չլինի, ցերեկ պիտի լինի: Նա ասում էր. ցերեկն ու գիշերը մի ծեր մարդու ձեռքում են գտնվում: Ծերունին նստած է մի բարձր սարի վրայ և երկու կծիկ ունի ձեռին, մինը սև և միւսն սպիտակ: Երբ որ դուրում է սև կծիկը, աշխարհքը մթնում է, և երբ որ սպիտակն է գլորում, լուսանում է և ցերեկ դառնում: Այդ ծերունին՝ էլ մի ուրիշ բան չունի... շարունակ սպիտակը կծկում է, սևը բաց թողնում, սևը կծկում է, սպիտակը բաց թողնում . . .

* * *

Գիւլնազ տատիկը շատ անգամ խոր հոգոց քաշելով ասում էր.

— Իէէյ, հէյ... դուք հէնց կարծում էք, թէ մեր աշխարհքն առաջ էլ այսպէս է եղել... Ո՛չ: Հին ժամանակները, երբ որ Աստուած մօտիկ է եղել մեզանից, Նրա ողորմութիւնն էլ անպակաս է եղել: Ամեն ձմեռ, երկինքը ձիւնի տեղ ալիւր է եղել թափելիս, ձիւնի պէս սպիտակ, նրա պէս մաքուր: Մարդիկ հաւաքում են եղել երկնքի ալիւրը և իրանց ամբարները լցնում այնքան, որ բաւականանար մինչև միւս ձմեռը . . .

Մէկ անգամ, երբ տատիկն արդէն սկսել էր պատմել, թէ հին ժամանակներումը մարդիկ ինչպէս են եղել ապրելիս, երեխաներից մէկը, որ գլուխը տատիկի ծնկանը դրած քնել էր, յանկարծ զարթեցաւ, և պատմութիւնը միջահատելով, հարցրեց տատիկին.

— Յետո՞յ, տատիկ, յետո՞յ . . .

— Ի՞նչ յետոյ, հոգիս, հարցրեց տատիկը . . .

—Ի՞նչ չասացիր, որ երկինքն առաջ շատ մօտիկ էր մեզանից... ցետոյ ինչպէս եղաւ, որ նա այսքան բարձրացաւ:

—Այնպէս եղաւ, որ երեխէրքը երբ որ սկսեցին շատ չարութիւն անել, անդադար վազվզում, թռչկոտում էին և Աստուծուն չէին թողնում հանգիստ քնել, նա էլ բարձրացրեց երկինքը, հեռացաւ, առանձնացաւ, որ երեխէրքն իր քունը չխանգարեն:

—Այդպէս չէ, տատիկ, այդպէս չէ, մէջ ընկաւ մի սրամիտ երեխայ, որ ուրիշ կերպ էր լսել այդ անցքը:

—Հապա ինչպէս է եղել, հարցրինք ամենքս միաբերան:

—Թող տատիկն ասի... Ասարծուն խռովեցնողը ոչ թէ երեխէքն են եղել, այլ մի անգէտ պառաւ է եղել, որ երեխի.

—Այդ սուտ է, այդ սուտ է... խնդալով ընդհատեց Գիւլնազ տատը, չուզենալով որ պատճառը պառաւները լինին եղած:

Այստեղ երեխէրքս պաշտպան հանդիսացանք տատիկին և բարկացանք նոր զարթած երեխայի վրայ, որ միջահատեց տատիկի պատմութիւնը: Գիտէինք առաջուց, որ եթէ տատիկի պատմութեան թելը կտրէինք, էլ միւս անգամ նա իր ասելիքի ծայրը չէր գտնել, այնպէս էլ կըխափանուէր գործը: Եւ ճշմարիտ այնպէս էլ եղաւ:

Տեսնելով, որ տատիկը էլ նոր բան պատմելու տրամադրութիւն չունի, սկսեցինք խառն ի խուռն հարցեր առաջարկել: Աղջկէրքը հարցնում էին, թէ՛ այնպէս չէ՞, տատիկ, որ եթէ աղջիկը Կանաչ-Վարմբի տակովն անց կենայ, տղայ կըղառնայ. տղէրքը հարցնում էին, թէ՛ այնպէս չէ՞, տատիկ, որ եթէ մէկը կարենայ իր արմունկիցը պաչել, ծիտ կըղառնայ, և ուրիշ այս տեսակ հարցումներ: Իսկ ես էլ, որ պակաս հեքաքրքիր երեխայ չէի,

Հարցրի տատիկին, թէ՛ պապ Ուխաչն իր աշակերտին ինչպէս էր աղունակ, կաջաղակ, ծիտ և ուրիշ թռչուններ շինում:

—«Ահա այսպէս». ասաց տատիկը և փոքրիկներէց մէկին ծնկան վրայ կանգնեցրեց, ձեռքերից բռնեց և վեր ու վայր թափ տալով երգեց—

Ղո՛ւ—ղո՛ւ—ղո՛ւ.ո՛ւ.ո՛ւ...

Ա՛րու—ղո՛ւ.ո՛ւ.ո՛ւ...

Նա՛աակ, նա՛աակ,

Ա՛րու—նա՛կ...

Թռռռռռ...

Այս ասելուց յետոյ երեխան թռաւ գետնի վրայ կանգնեց և ծիծաղելով ասաց.—Ո՛ւր է տատիկ, ես աղունակ չդառնայ . . .

—Վնաս չունի, Հոգիս, պատասխանեց տատիկը, դեռ փոքր ճնճղուկ ես, երբ որ կըմեծանաս, աղունակ կըդառնաս . . .

—Տատիկ ջան, տատիկ, ինձ էլ մի կաջաղակ շինե՛ս... ասաց մի ուրիշը: Տատիկը նրան էլ զբաւ իր ծրնկներին և առաջուան ձևով երգեց—

Չա՛—չա՛—չա՛ն.ն.ն...

Կա՛—չա՛—չա՛ն.ն.ն...

Ղա՛աակ, ղա՛աակ

Կա՛—չա՛—ղա՛կ

Թռռռռռ...

—Տատիկ ջան, տատիկ, ինձ էլ մէկ ծիտիկ շինե՛ս, ասաց ամենից փոքրիկը: Տատիկը նրան էլ վեր առաւ և վեր ու վայր թռցնելով երգեց—

Ծիտ եմ, ծիտ եմ, ծլվլում եմ

Ճի՛իկ, ճի՛իկ, ճի՛իկ...

Ոստոստում եմ, թռչկոտում եմ

Տի՛իկ, տի՛իկ, տի՛իկ...

Արի, թւիկ, արի, փետրիկ,
Որ ես գառնամ փոքրիկ ծիտիկ,
Փոքրիկ ծիտիկ,
Պիծիկ միծիկ,
Թռռռռ...

Այսպէս բոլոր երեխայքս մի-մի թռչուն գառնալով
թռանք, և տատիկից խօսք առնելով, որ նա միւս ան-
գամ կը պատմէ մեզ պապ Ռւխայի հէքիաթը, զնացինք
մեր ընդհատած խաղը շարունակելու . . .

Ղ. ԱՂԱՅԵԱՆՑ





Խ Ա Ղ

Ա.

Պ Ա Ռ Ա Ի Ը

Ո՛ւ-ջո՛ւ-ջո՛ւ-ջո՛ւ, իմ վառիկներ,
Սիրուն ճուտեր, հաւ մարիկներ,
Ոսկեփետուր աքլարիկներ,
Եկէք կերէք ձեր հատիկներ:

Հ Ա Ի Ե Ր Ը

Բարի տիկին, տո՛ւր տո՛ւր կուտիկ,
Լէք-լիք լըցուին մեր նեղ քուչիկ,
Որ քեզ ճերմակ կոյոր ձուեր,
Բարձիղ համար տանք փետուրներ:

Պ Ա Ռ Ա Ի Ը

Ահան, ահան, անո՛ւշ արէք,
Վեր քաղեցէք, կուշտ-կուռ կերէք.
Ես տուն կերթամ, քջուջ արէք.
Երբ որ կանչեմ, ահանջ արէք:

Հ Ա Ի Ե Ր Ը

Կուտը կերանք կը՛տ, կը՛տ, կը՛տ, կը՛տ,
Քուռնիթ ժողվենք կը՛չ, կը՛չ, կը՛չ, կը՛չ,
Հաւկիթ ածենք կը՛չ կը՛չ, կը՛չ կը՛չ
Թուխս որ նստենք կը՛ռթ, կը՛ռթ, կը՛ռթ, կը՛ռթ:

ԱՔԱՂԱՂՆԵՐ

Կուտը կերանք ծնւղրնւղնւ.
Լաւ կշտացանք ծնւղրնւղնւ
Երթանք պտղանք կնկկնկնւ
Ուրախ ման գանք կնկկնկնւ:

ՄԱՆՈՒԿՆԵՐ

Արամ, Աշխէն, Վարդան, Խորէն,
Սանդուխտ, Զուշան, Հայկակ, Սուրէն
Գնանք տեսնենք հաւերն ո՞ւր են:

Տեսէք, տեսէք, չալ-չալ հաւեր
Հեռու քաշուեր, կուտեն որդեր.
Այնտեղ փոքրիկ, փամբլիկ, թրմբլիկ
Պատիկ ճուտիկ կուտէ կուտիկ:

Չար փիշիկը մօտ է գալիս
Սիրուն ձագին մտիկ տալիս.

Թաթը մեկնեց

Վզից բռնեց.

Աքաղաղներ, հաւ մարիկներ
Պահպանեցէք ձեր ճուտիկներ:

ԱՔԱՂԱՂՆԵՐ

Գող փիշիկը եկել է,
Փամփիլիկ ձագին բռնել է:

Հ Ա Ի Ե Ր

Փողովուէնք, միանանք,
Չար կատուին վրայ տանք:

ԲՈՂՈՐԸ

Տեսնա՞ք, տեսնա՞ք ինչ եղաւ.
Գող կատուն որ մեզ տեսաւ
Խիստ վախեցաւ ու փախաւ:
Ուրեմն ապրենք միասին,
Որ մօտ չգայ թշնամին:

Բ.

ՄԱՆՈՒԿՆԵՐ

Սիրուն ձագիկ, չունիս մայրիկ և կամ հայրիկ,
Որ կրթուչես ոլոր-մոլոր մեր չորս բոլոր:

Ձ Ա Գ Ի Կ

Ուրուրն այսօր տարաւ իմ մօր:

ՄԱՆՈՒԿՆԵՐ

Չագիկ, մի լար, որբիկ մի լար
Գու չես մնար անտէր անմայր:

Եկէք քօյրեր ու եղբայրներ,
Ընկնենք սարեր ու անտառներ.
Գնանք գտնենք խնդրենք մէկին
Որ մայր դառնայ այս խեղճ ձագին.

Սիրուն հաւքեր, երկնից հաւքեր,
Առէք հետ ձեր ձագին անտէր:

Կ Կ Ո Ի

Կճկ—կճւ. կճկ—կճւ . . .

ՄԱՆՈՒԿՆԵՐ

Չէ, չէ. կրկնու, այլոց բընում
Չու ես դնում, մայր չես դառնում:

Ա Գ Ռ Ա Ի

Գռան, գռան, գռան . . .

ՄԱՆՈՒԿՆԵՐ

Չէ, չէ, ագռան, գող, գիշակեր,
Քեզ չենք լանձնիլ, մի՛ կռայեր:

Կ Ռ Ո Ւ Ն Կ

Կը՛ռ, կը՛ռ, կը՛ռ . . .

ՄԱՆՈՒԿՆԵՐ

Չէ, չէ, կրո՛ւնկ գարնանասէր,
Մեր երկիրներ կայ ցուրտ ձմեռ.

Տ Ա Տ Ր Ա Կ

Վո՛ւ, վո՛ւ, վո՛ւ . . .

ՄԱՆՈՒԿՆԵՐ

Չէ, չէ, տատրանկ, գիտենք լաւ ես
Ազնիւ հաւ ես, բայց լալկան ես:

ՁԱԳԻ ՄԱՅՐԸ

Մարդն ուրուրին սպանեց,
Ինձ ճանկերից ազատեց.
Տուէք ձագս, խնդրում եմ,
Ո՛վ է գտել, փնտռում եմ:

ՄԱՆՈՒԿՆԵՐ

Ան, ան, մայրիկ,
Քո խեղճ ձագիկ,
Սիրուն ծրարիկ,
Որ չթռչի
Ոլոր-մոլոր
Մեր չորս բոլոր:

Ձագուկ, ձագուկ, ուրախ կաց,
Մորդ գնա զրկաբաց.
Հետը թռիլը, հեռացիլը,
Անցած ցաւը մոռացիլը:

Ձագը մօրը սիրում է
Ուանց նորան տխրում է,
Երբ որ նորան գտնում է,
Ուրախ ճրչում, ճխում է:

ՄՈՒՇԵՂ, ՄԱՄԻԿՈՆՆԱՆՑ



ՎԱՀԱՆ ՄԱՄԻԿՈՆԵԱՆ

(Հայոց Պատմութիւնից)

Մ Ի Ա Բ Ա Ն Ո Ւ Թ Ի Ի Ն

Ա.



Լղիղ երեսուն տարի
էր անցել Վարդանանց

պատերազմից:

Աւարայրի ահեղ դաշտը իր օրահասական պատերազմով դեռ չէր մոռացել Հայաստանցին: Վարդանի և նրա նիղակակիցների անունները լսվում էին և՛ գեղջուկ լեռնեցու կրակարանի մօտ, և՛ սակաւապէտ զինուորի կոշտ բնակարանում, և՛ ազնուականի շքեղ դարպասում: Դեռ չէր դադարել սիրելիների մրմունջը, որովհետև նրանց սրտում լայն բացուած վերքը դեռ չէր կեղև կապել, դեռ Պարսկաստանում չէր մարել բանտերի խորքում շղթայակալ ընկածների հեծեծանքը: Բայց Հայաստանը մի նոր փորձի վրայ էր: Առ ժամանակ հանդար-

տած մթնուրդը պատրաստվում էր կրկին ահեղագոչ փոթորիկներ կրկնել:

Գիշեր է: Կաթողիկոսանիտ Գուինը ընկղմուած է խորին լուռութեան մէջ: Արագներն ամեն տեղ մարած են, ամայի փողոցներում ազատ տիրութիւն են անում թափառաշրջիկ շները, որոնք այստեղ այնտեղ հոտոտելով, քաղաքացիների երեկոյեան ընթրիքի մնացորդներն են որոնում պատերի տակ և աղբանոցներում:

Քնած է Գուինը: Լուսին չկայ, փայլուն աստղերը համեստ շողշողում են մութ երկնակամարի վրայ: Աշունը նոր է սկսուել: Տաք օդի մէջ, գաւթում, խորդում է Ագրվշնասոյ մարգպանի դրան պահապան պարսիկը: Նրա տէրը այժմ շատ հեռու է գտնվում. նա անհոգ ընկած է. նիզակը դէմ է դրել պատին, կարճիկ երկսայլին գօտիից կախ ընկած է մնացել: Նա կարծես քաղցր երազի մէջ է. տեսնում է Պարսկաստանի պարզ երկինքը և այդ երկնքի տակ՝ իր անշուք բնակարանը, ուր այդ բոպէին միմեանց գրկած քնած են նրա փոքրիկ զաւակները. երբորդ տարին է որ դրանց չի տեսել հէզ զինուորը: Քնած է և զաւակների մայրը, խրոխտ պարսկուհին. քնած է իր ամուսնու հետ դէթ երազում խօսելու քաղցր յոյսով: Պահապանը ժպտում է, երջանիկ է իր այդ վաղանցուկ երազով, որ մոռացնել է տուել ամեն ինչ: Եւ ոչ ոք չի խանգարում այդ երազը: Միայն աշնանային մեղմ քամին, որ երբեմն դուրս է թռչում տան պատի քամակից, քսվում է նրա դէմքին և խկոյն էլի հեղիկ, լուի սահում, անցնում:

Գիշերային այդ պահուն քնած չէ միայն մի կին, որ միայնակ փակուած է Գուինի կենդրոնական թաղում շինած մի տան մէջ: Արագի աղօտ լոյսը պատուհանի լայնութեամբ մի փայլուն շերտ է գցել բակի վրայ: Արջակաները լուռ են, անշարժ: Լուռ է և ինքը, բարձրահա-

տակ, սևագանգուր կինը, որ ահա չորս ժամ շարունակ նստած է մի փոքրիկ անկողնի մօտ և ամենայն ուշադրութեամբ նայում է այնտեղ պառկած մանուկի դէմքին: Յուսահատութիւնը հետզհետէ սաստկանում է այդ կնոջ դէմքի վրայ. երբեմն նրա կրծքից դուրս է թռչում մի հանդարտ հառաչանք: Եւ յաճախ ձեռքը դնելով երեխայի ճակատին և շրթունքներին, էլի նայում է նրան, նայում է, չի կշտանում:

Երեխան հիւանդ է: Նրա փափուկ դէմքի վրայ նրկատելի է օրհասի նշանը, որ կապոյտ գոյնն է համարվում: Զնչառութիւնը կցկտուր է, շատ դանդաղ, երբեմն կրծքի միջից լսվում է մի սարսափելի խզոց: Քնած է երեխան թէ հոգեվարքի մէջ է: Այդ չզիտէ մայրը և չի էլ ուզում իմանալ. նա նրան քնածի տեղ է գրել և այդ իսկ պատճառով չի համարձակվում ծածկել երեխայի փոքրիկ փափուկ թւեր վերմակի տակ, վախենում է գրանով վրդովել սիրելի զաւակի քունը:

Պէշերը ծանր անցնում է. ճրագը իր բոսորային լուսով օգնում է մօրը աներկիւղ մնալ և անքթիթ աչքերով գիտել երեխայի դէմքը: Արագը նոյնպէս օգնում է մօր աւելի և աւելի յուսահատուելուն: Մտքերը հեռացել են նրանից. մինչև անգամ աղախիններէից մէկին չի կանչում, որ սփոփի իր սիրտը, որը աւելի և աւելի սեղմվում է, զգալով օրհասի ներկայութիւնը:

Ատում են, մարդուս սիրտը երբեմն և շատ հեռու տեղերում զգում է այն, ինչ որ պիտի պատահի այն մարդկանց, որոնց մասին նա մտածում է: Այդ բոլորովին ճիշտ էր Հրահատ Կամսարականի վերաբերմամբ: Նոյն այդ գիշերը, նոյն այդ պահուն, երբ նրա կինը այսպէս տանջվում էր, իշխանը իր եղբօրց հետ գտնվում էր Հայոց բանակում, որ հեռաւոր Աղուանից երկրից յետ էր դառնում Գուին, և ճանապարհին վրաններ էր զարկել Չիրակայ

գաշտում, Հանգիստ առնելու Համար: Կամսարականները մենակ չէին: Մի լայնարձակ վրանում Հաւաքուած էին բանակի բոլոր նշանաւոր իշխանները: Կազմուել էր մի գաղտնի խորհուրդ, իւրաքանչիւրն իր կարծիքն էր յայտնում: Միայն Հրահատ իշխանն էր, որ շատ տխուր էր: Նստ քաշուել էր մի անկիւն և ինքն էլ չգիտէր թէ ինչեր էր լսում: Նրա սիրտը մի թշուառութիւն էր գգում:

Այդ ախրութիւնը նկատելով Սիւնեաց կրտսեր իշխան Բաբգէնը, որ Հրահատ իշխանի սրտակիցն էր, զարմացած մօտեցաւ և ձեռքը դնելով նրա ուսին, ականջում փսփոաց մի քանի քաղցր, բայց յանդիմանական խօսքեր: Կամսարականը ընկերի այդ խօսքերի վրայ կարծես արթնանալով, վեր կացաւ, առաջ նստեց: Այժմ նա ուշագիւր էր վիճաբանութիւններին, թէև նրա դէմքը դեռ պատած էր հոգեկան անձկութեան օպոթոյժ ստուերով:

Խօսում էր մի գանդրահեր, երկարահասակ և լայնալանջ տղամարդ:

— Ասացի որ վտանգաւոր է այդ ձեւնարկութիւնը: Պատրաստի ոյժ չկայ, իսկ մեր նախարարները դեռ շարունակում են իրանց երկդիմի դործողութիւնները. մի օր պարսից հլու ծառայ են երևում, միւս օրը իրանց շահերի ջերմ պաշտպան, անձնիշան պետեր: Աւելի լաւ է, իմ կարծիքով, մեր բոլոր յոյսը Աստուծու վրայ դնել. Նա միայն կարող է մեզ հովանաւորել: Ես չեմ ասում թէ մեր լոյս հաւատը վտանգի մէջ չէ, բայց իմացէք որ մեր թրշնամին էլ պակաս զօրեղ չէ: Դուք կարծում էք թէ մեզ կօգնեն վրացիները կամ հոնսլը. ո՞վ գիտէ, կօգնեն արդեօք: Տկարամիտ մարդկանց վրայ լոյս դնելուց լաւը նա կրլինէր, որ աղաչէինք Աստուծուն մեզ օգնութեան հասնել և չմոռանալ մեր սուրբ նախնիքներին, որոնք արլւն թափեցին մեզ Համար:

Այդ խօսքերի վրայ խորհրդականների մէջ մի շշուկ

անցաւ, մի քանիսները ծիծաղեցին, որոնց թւում և Սիւնեաց իշխան Գրիհոնը, մի հսկայատիպ մարդ, որ բոլորի մէջ վեհադոյն էր իր խրոխտապանձ դէմքով, իր հուժկու կազմուածքով և փառաւոր զգեստով: Նստածները իսկոյն նկատեցին, որ իշխանի ծիծաղը միւսների ծիծաղի նման չէր. նրանք վաղուց գիտէին, որ Գրիհոնը իր ծրագիրն ունի և չի հետաքրքրվում այս ժողովով, այլ նման էր երկար նստելուց շատ ձանձրացած մի մարդու. կարծես նա ամեն ինչ հարցնում էր թէ ինչ է նշանակում այս ամենը և երբ կըվերջանայ:

Ներսէհ Վամսարականը, Հրահատի մեծ եղբայրը, որ խորը մտածում էր իր լսածների վրայ, սկսեց խօսել իր թանձր ու ախորժելի ձայնով:

— Լաւ ես ասում, Վահան իշխան, ասաց նա, — առանց Աստուծու ունայն է մարդկային յոյսը. և մենք Նրա օգնութեամբ միայն ուզում ենք գործ սկսել: Յիշիր, որ Պերողը յաղթուած փախաւ Պարսկաստան. վրացիները և հոնները ատելութիւն են որոճում դէպի պարսիկները: Այս բարեպատեհ առիթը եթէ ձեռքից թողնենք և ուրանանք մեր եկեղեցին լոկ աշխարհային փառքի համար, վատի անուն պիտի ժառանգենք յաւիտեան: Ինքը Տէրը տեսնում է, որ մենք անձնական փառք չենք որոնում, այլ մեր հայրենի եկեղեցու պաշտպանութիւնն ենք ձեռք առնում: Մենք չենք ծրագրում մի նոր բան, որին սովոր չլինի հայր: Արդէն քո հօրեղբօր օրինակը ամենքիս աչքի առաջ է:

— Հայրենիքը վտանգի մէջ է, շարունակեց Հրահատը իր եղբօր սկսածը: — Պարսկական խորամանկութիւնը ուզում է մեզ վերջին հարուածը հասցնել: Աւարայրի փորձը մոխրապաշտներին խելքի չբերեց, այլ ընդհակառակն այժմ այնպիսի մեքենաներ են սարքել մեր դէմ, որ մենք պիտի ծանր խորհենք մեր դիրքը, մեր անելիքը: Ոչ վը-

րացիներն են մեր յոյսը, ոչ հոները: Աչ: Մենք յոյս ենք դրել մեր մահուան վրայ. այն, մեր արիւնով միայն վրատահ ենք, որ այլ ևս չենք տեսնիլ մեր սուրբ եկեղեցին արհամարհուած:

Գանգրահներ տղամարդը, որ Մամիկոնեան Վահանն էր, մեծ Վարդանի եղբոր՝ Համայակի որդին, խորին մտածութեան մէջ ընկաւ Հրահատի վերջին խօսքերը լսելուց: Մի ինչ որ բան նրան տանջում էր: Թաւ յօսքերով պատած ահեղ աչքերը յառեցան գետնին, ճակատի վրայ կուտվեցան կնճիռները: Նրա սիրտը աւելի ևս բորբոքեց Բաբգէն Սիւնին, որ խիստ կծու ձայնով խօսեց Հրահատից յետոյ:

— Անվճռակամութիւնն անարի վախկոտութեան նշան է: Այս ազատագուններն ուխտում են մեռնել կրօնի համար և այդ ուխտը չընդունողը պարզ վկայում է, որ մարմնաւոր փառքի գերի է: Այդ փառքը ատողներս մի կողմ կանգնենք և վճռենք մեր անելիքը:

Վահանը չկարողացաւ լռել:

— Իշխան Բաբգէն, ասաց նա անվրդով, հանգարտ ձայնով, գովում եմ երիտասարդական եռանդդ, բայց այդպէս սուր կերպով վճիռ դնելը քիչ ընդդէմ է խորիմաստ կշռագատութեան կանոնին: Արդէն ձեզ ամենիդ յայտնի է, թէ ինչպէս ես կուրացած աշխահի փառքից, մի քանի սինլքոր զրպարտիչների լեզուն կապելու համար ուրացայ իմ յոյս հաւատը և երկրպագութիւն արի արեգակին ու կրակին և դրա համար պարգևներ ստացայ Պերողի արքունիքից: Բայց շատ չտւեց իմ մտաւոր կուրութիւնը. մեր նախնիքների պաշտած Աստուածը բաց արաւ միտքս, և ես մի կարճ միջոցում հասկացայ թէ ինչ քստմանի զործ եմ արել մի անցաւոր սին փառասիրութեան համար: Վկայ թող լինի իմ եղբայր Վատակը, որ այստեղ ձեզ մօտ է, թէ քանի քանի անգամ լռելեայն

արտասուենք եմ չափել անիրաւութեանս համար: Այժմ, այս եղբայրական միաբանութեան խօսքերը լսելով, սիրտս ուժգին ցաւում է: Ես համաձայն եմ, որ պիտի մեռնինք մեր հաւատի համար, և ամենից առաջ ես պիտի մեռնիմ, որ արիւնովս ջնջեմ անուանս վրայ դրած արատը: Գնանք ուրեմն, գնանք մեռնինք:

Ժողովը ուրախութեամբ ընդունեց Մամիկոնեանի այդ համաձայնութիւնը. իսկ երբ Վասակ Մամիկոնեանը ոգեւորուած ցանկացաւ միանալ նրանց հետ, կրտսեր կամսարականը չկարողացաւ արտասուենքը պահել: Իսկոյն Վահանին ընտրեցին սպարապետ բոլոր զօրքերի վրայ, որովհետեւ բոլորն էլ ականատես եղած էին նրա քաջագործութիւններին, բոլորն էլ նրան դեռ պատանեկութիւնից ճանաչում էին իբրև անվախ որսորդ և հրանալի զինաշարժ:

Հայոց զօրքերին ուղեկցում էր Բջնեցի Աթիկ քահանան, Ղևոնդեանց արժանի յաջորդը. նա իսկոյն հանեց Աւետարանը, որի վրայ բոլոր ներկայ եղողները միաբանութեան ուխտ կապեցին և երգմամբ հաստատեցին այդ ուխտը:

Յետոյ իշխանները եղբայրաբար համբուրվեցան միմեանց հետ և ժողովը ցրիւ եկաւ:

Գիշերուայ կէսն էր, երբ ամեն մէկը իր վրանն էր որոնում: Բայց երկու մարդիկ հեռացան Հայոց բանակից և շտապով դիմեցին դէպի մի քանի վրաններ, որոնք նշմարելի էին դաշտի տարածութեան վրայ, քիչ հեռու: Այնտեղ էր Ատրվշնասպ մարդպանը, որ հայ զօրքի հետ Հայաստան էր վերադառնում: Գնացողներին էին վեհապանձ Գդիհոն Սիւնին և Վարազշապուհ Ամատունին, երկու իշխաններ, որոնց սիրտը լցուած էր կոյր ատելութեամբ և նախանձով: Նրանք այլ ևս չվերադարձան Հայոց բանակը:

Ա. ԲԱՐԱԽԱՆԵԱՆ

(Կըշարուհակուի)



ՍԵՒԱՆԱՅ ԾՈՎԱԿԸ



Ա Ռ Ա Ի Օ Տ

Իշերուայ մուսյլը անապակ ջրերից
Մառախուղի պէս վերնում էր
յուշիկ.

Ծովակն արթնացած իւր քաղցր
քնից

Երկնագոյն աչեր դարձնում էր
երկինք:

Եւ հետզհետէ ծովը բացվում էր,
Մերկացնում բոլոր իւր շքեղութիւն,
Կարծես անկողնից կոչը ելնում էր,
Իւր հրաշալիքներ նազելով ցուցնում:

Եւ վերջին անգամ փայլեց Լուսաբեր,
Ասաց ծովակին համր «մնաս բարեաւ»
Եւ վերջին անգամ նորա թոյլ ստուեր
Կապուտակ ջրերիցն էլ անյայտացաւ:

Փարում էր ծովին, օրօրում հավը
Եւ գուրգուրելով մի բան շշնջում,—
Կարծես վաղ դարժող կաշտառ մանկանը
Սիրող մայրը դեռ քնացնել էր ուզում:

Եւ կաթնակապոյտ տարածութեան մէջ
Հեռուում երկինքը ոսկեղօծուեցաւ,
Նորա տակ մեղմով ծովակը փայլեց,
Մանուշակների խմբով լցուեցաւ:

Աչնտեղ՝ կարծես թէ դուրս եկած ծովից
Վարդասպիռ լերանց շարքեր երևցան
Եւ երկու լերան բացուածքի միջից
Գուրս ցայտեց մի վառ կրակ կիսաշրջան:

Գ. ԱՍՏՈՒԱԾԱՏՐԵԱՆՑ



ՅՈՎՀԱՆՆԻՍ ՀՈՒՍ

Կոմս. Լ. Ն. Տօլստոյի „Ясная Поляна“-ից



2.

ըբ Չեխիայում իմացան, որ Հուս բանտարկուած էր, 270 առպետ զանդատ տուին կայսրին և զրեցին, որ Հուս արձակուի և ժողովի առջև արգարանայու իրաւունք ստանայ: «Աստուծուց յետոյ՝ ամենից առաւել քեզ և կայսերական խօսքիդ ենք ապաւինած», գրում էին նրանք: Կայսրը պատասխանեց, թէ պատիւ և կառգինաների վրայ իշխանութիւն չունի. իսկ կառգինաներն ասել են, որ Հուս չէ թէ լոկ հերետիկոս է, այլ հերետիկոսապետ, վասնզի չնայելով որ արդէն հինգ տարիից ՚ի վեր բանագրուած է, դեռ մինչև այժմ չէ գնացել Հոռոմ՝ ներկայանալու պապի գատաստանին, ինչպէս հրամայած էր նրան սուրբ Հայրը:

Ոչ ոք իրաւունք չունէր Հուսին տեսնելու. միայն խլում ասպետը, այն էլ սահմանուած ժամերին, կարող էր գնալ և վանդակի ետեւից նրա հետ խօսակցել: Երբ այս էլ արգելեցին, Հուս սկսաւ թղթակցել խլումի հետ և նրա միջնորդութեամբ նամակներ քառաքել իր հեռաւոր հայրենակիցներին: Այս նամակների մէջ նա զանգատովում էր, թէ նրան նեղում են, սովով տանջում են, թէ կայսրն իր խօտումունքն ուրացել է, թէ նրան դերի են պահում: Նրա գանգատների լուրն իշխանութեան որ հասաւ, պաշտօնեաները հրաման ստացան բռնել և թաքցնել Հուսի նամակները: Բայց բանտի պահապաններն այնքան սիրել էին Հուսին, որ երբեմն անց էին կացնում

նրա նամակները և ներս թողնում բարեկամներին: Չեխ բարեկամները մի երկու անգամ այցելութիւն արին նրան բանտի մէջ: Հուս շատ ուրախացաւ նրանց տեսնելով: Բարեկամները խոստացան մի Ատուածաշունչ Հասցնել նրան Չեխիայից. նա երկար սպասում էր այս գրքին և չէր կարողանում հանգստանալ, մինչև որ գիրքը չեկաւ: «Սրանով մեծ լաւութիւն արին ինձ», գրում էր Հուս, «Ս. գիրքը մխիթարիչ և օգնական կրդառնայ ինձ այս գեթութեանս մէջ»:

Երկու ամիս անցնելուց յետոյ իշխաններն և աղնուականները, աղքատներն և մեծաւորները երկրորդ աղերսագիր մատուցին կայսրին: «Ջարմանում ենք քեզ», գրում էին նրանք. «անպարտ և արգար մարդուն դատաստանի են կանչում, որպէս զի կարողանայ ինքն իրան և բոլոր չեխ ազգին պաշտպան կանգնել, և յանկարծ, առանց ալլեալի և քո խոստման հակառակ, պապը բարեհաճում է ձգել նրան բանտի մէջ. այսուհետև ո՞ւր կրմնայ արդարութիւնը»:

Կայսրը խնդրին ականջ դնելու փոխարէն՝ սկսաւ առաւել ևս խիստ վարուել Հուսի հետ, և նրա վրայ առաւել արթուն հսկողութիւն ունենալու համար՝ յանձնեց նրան Կոնստանցի եպիսկոպոսին, որ Հուսի ոխերիմ թշնամին էր. եպիսկոպոսն էլ, վախենալով, որ Հուսի բարեկամները նրան վանական բանտից չազատեն, հրամայեց ստանել նրան մի առաւել հեռու տեղ: Գիշերով եկան 170 զինուորներ, բռնեցին Հուսին և տարին ձգեցին մի աշտարակի մէջ: Աշտարակը կանգնած է մի կղզու վրայ, կղզու շուրջն էլ ջուր է: Պահապաններին հրամայուած էր խիստ հսկել Հուսի վրայ: Յերեկը նրա ոտքերը շղթաներով կապում էին, իսկ գիշերը—ոտքերն էլ, ձեռքերն էլ պրկոցներով կաշկանդում էին: Երկար ժամանակ մատուցաւ այնտեղ Հուս: Զատիկն արգէն մօտենում էր. նր-

րան սոված էին պահում, մինչև անգամ սուրբ Հաղորդութիւն չէին տալիս: Այս տանջանքների ժամանակ նա գրեց Պրագ, իր մտերիմներին. «Ուրախ եղէք ամենքդ, պատրաստուեցէք Ջատկից առաջ Քրիստոսի մարմինը ճշակելու. ես զրկուած եմ Հաղորդութիւնից, քանի որ այսպէս է Տիրոջ կամքը: Պատահել է, որ շատ սուրբեր և առաքեալներ մնացել են անհաղորդ, բանտի մէջ փակուած լինելով»:

Մի օր եկեղեցական և աշխարհական իշխանները Հաւաքուեցան քաղաքային խորհրդարանի մէջ և հրամայեցին, որ Հուան էլ այնտեղ բերուի: Ջրուած և զուարթ էին ամենքը, ասես թէ մի տօն լինէր. իսկ Հուս կանգնած էր նրանց առջև հիւանդ, գունատ, նիւար և բերնից արիւն թքնելով: Հէնց որ նա կամեցաւ մի խօսք ասել, բոլորն էլ աղմկուեցան, տրոփեցին, կանչվուտեցին. նա խօսարհեց գլուխն և լուռ կեցաւ:

Այն ժամանակ նրան ասացին. «Ի՞նչ ես լուռ. երբևի թէ խիղճդ տանջում է քեզ, ո՞վ դու հերետիկոս»:
Իսկ նա հանդարտ կանգնած՝ չգիտէր ի՞նչ ասէր, մինչդեռ նրա շուրջը բազմութիւնն ալեկոծվում էր, մոլեգնում և որոտում:

Այս վայրագ զազանների ժողով է, այլ ոչ թէ գիտնական մարդիկները», ասաց նրա բարեկամներից մինը. իսկ ինքն Հուս բարձր ձայնով աղաղակեց. «Արդարև կարծում էի, թէ ժողովի մէջ գործերն առաւել խոհեմ և մարդավայել կերպով են քննվում»:

Այն ժամանակ աւագ կառդինարը գոռաց. «Ի՞նչպէս լանդգնեցար այդպէս բան ասել. կարծեմ, դու ուրիշ կերպ էիր խօսում աշտարակի մէջ»:—Հուս ասաց. «Աշտարակի մէջ ոչ ոք չէր կանչում վրաս. իսկ այժմ ամենքդ էլ դուռում էք»:

Դրանով վերջացաւ առաջին Հարցափորձը: Հուսին

նորից բանտ տարին: Ճանապարհի վրայ ժողովուրդն և մտերիմները մօտենում էին նրան և լաց էին լինում. նա օրհնում էր ամենքին և ասում. «Ես չեմ ուրանալ ինքս ինձ, միամիտ կացէք իմ մասին»:

Երկրորդ անգամ դատաստանի կանչեցին նրան: Այդ միջոցին արեգակի խաւարումն պատահեցաւ. ցերեկը զիշեր դարձաւ: Խորհրդարանի մէջ հաւաքուած էր ահագին բազմութիւն, բայց ոչ ոք ոչինչ չէր տեսնում: Պէտք եղաւ ջահերը վառել. երբ լուսացաւ, հարցմունք արին չուսին, թէ «ընդունում ես Վիկլեֆի ուսմունքը»:— Հուս պատասխանեց. «Ընդունում եմ նրա ուսման այն մասերն, որոնք հակառակ չեն Սուրբ Գրքին և Քրիստոսի խօսքերին»:

Կայսրը լսեց նրան և ասաց. «Ի՞նչ հարկաւորութիւն կայ երկար խօսելու. հնազանդիւր ժողովին, և լաւ կանես»:— «Կայսրն էլ ինձանից հրաժարվում է», մտածեց չուս. «Ուրեմն բանս այժմ կորած է»: Ժողովի մէջ այս անգամ էլ բոլորեքեան կանչվաւում էին, ինչպէս և առաջ: «Արժում էի», գրում էր չուս իր բարեկամներին, «թէ ժողովի մէջ և մանաւանդ կայսրի ներկայութեամբ գործերն առաւել վախելուչ կերպով առաջ կըտարուին, բայց ամենքը գտում էին և ինձ հայհոյում, ինչպէս որ հրէաները՝ Քրիստոսին»:

Նրան կանչեցին երրորդ հարցափորձի: Եպիսկոպոսներն, ասացին. «Գու ուսուցանում ես, արևելեան դաւանութեան համեմատ, թէ հազորգը երկու տեսակով պիտի լինի՝ մարմնոյ և արեան Քրիստոսի. մինչդեռ մեր հոռմէական եկեղեցին հազորգը տալիս է միայն մի տեսակով, այսինքն մարմնոյն Քրիստոսի: Ո՞վ տուաւ քեզ իրաւունք մեր դաւանութեան դէմ քարոզելու»:

Չուս պատասխանեց. «Աշխարհականների հազորգութիւնը ընդ տեսակով մարմնոյ և արեան Քրիստոսի սահմանուած է նոյն ինքն Յիսուս Քրիստոսից և առաքեալ-

ներից և համաձայն է Սուրբ Գրքին: Ինձ ի՛նչ փոյթ, որ դա հռոմէական սովորութեան հակառակ է, քանի որ մենք պարտական ենք հետևել ոչ թէ սովորութեան, այլ Քրիստոսի օրինակին»:

«Գարձեալ ասում ես», շարունակեցին եպիսկոպոսները, Հուսին դառնալով, «որ եթէ մի պապ, կառղինալ կամ եպիսկոպոս մի մահացու մեղք գործած լինի, այն ժամանակ նրանք զազարում են պապ, կառղինալ կամ եպիսկոպոս լինելուց. քարոզել ես այդ»:—«Այո, քարոզել եմ»:—Արդ, եթէ թագաւորն էլ մի այդպիսի մեղք գործած լինի, նա՞ էլ ուրեմն թագաւոր լինելուց պիտի դադարէ»: Հուս մտածեց փոքր ինչ և ասաց. «Այս, թագաւորն էլ պիտի զրկուի թագից»:

Այն ժամանակ ձայն բարձրացրին. «Կանչեցէք կայսրին, կանչեցէք կայսրին, թող դայ լսէ, թէ ինչե՛ր է քարոզում այս հերետիկոսը»:

Սիզիզմունդ կայսրը նստաւ դահի վրայ:—«Կրկնէր խօսքերդ», հրամայեցին Հուսին: Հուս կրկնեց: Կայսրը չվերաւորուեցաւ, այլ ասաց. «Մարդ չկայ, որ անմեղ լինի»: Աղաղակներն և հայհոյանքները Հուսի դէմ չեն դադարում: Կառղինալներն և կայսրը պահանջում էին նրանից հնազանդիլ ժողովի վճռին: «Այն ժամանակ կըհրնազանդիմ ժողովին», ասաց Հուս, «երբ Սուրբ Գրքով պացուցանէք, որ ես սխալվում եմ կամ սուտ եմ ասում. եթէ ոչ խիղճս չի ներիլ ինձ հնազանդելու»:

Նորից բանտ տարին Հուսին: Խլում ասպետը նրա մօտից անցնելիս աչք սեղմեց: «Միայն խլում ասպետը չամաչեց ձեռք մեկնելու ինձ, մերժուած հերետիկոսիս. ոհ, ի՛նչպէս քաղցր երևեցաւ ինձ այդ», զրում էր Հուս բանտից իր հայրենակիցներին:

Հուսին որ հեռացրին, Սիզիզմունդ կայսրը ասաց. «Ամեն բանից երևում է, որ Հուս լանցաւոր է. եթէ շա-

րունակէ յամառիլ իր աղանդի մէջ, կարծում եմ թէ պէտք կրլինի պատուհասել նրան, խարոյկի վրայ այրելով»:

Այս դատավճիռը Հուս իմացաւ բանտի մէջ և ասաց. «Կարծում էի, թէ Սիգիզմունդ կայսրը, ինձ ասպահովագիր տալով, ինքն էլ հաւատում էր Աստուծոյ, հաւատում էր սուրբ ճշմարտութեան և իր արքայական խօսքին. տեսնում եմ, որ այդ ունայն խօսք էր—նա թշնամիներէց առաջ մահուան դատապարտեց ինձ»:

Գատավճիռը հաստատուելուց յետոյ ժողովը ցրուեցաւ: Ամենքը ուրախ և զուարթ էին, ասես թէ մի լաւ բան արած լինէին:—Եթէ մահը անխուսափելի է», մըտածում էր Հուս, «ես նրան իբրև մի ցանկալի նուէր կընդունեմ. մեռնելովս իմ ուսմունքը չի կորչել, այլ առաւել ևս կըփայլի: Աստուած դեռ կարող է փրկել ինձ. բայց լաւ է՝ առաջուց պատրաստուիմ»: Եւ սկսաւ աղօթք անել, խոստովանուեցաւ և նամակներ գրեց իր հեռաւոր ընկերներին:

Գատավճռից յետոյ Հուս դարձեալ չորս շաբաթ բանտի մէջ մնաց: Նրա մօտ անդադար մարդիկ էին գալիս յորդորելու, որ իր ուսմունքից հրաժարուի: «Ղաւ է որ վզիցս երկանաքար կապեն և ծովի անդունդի մէջ խեղտեն, քան թէ ուսմունքիցս հրաժարուիմ», ասաց նա: «Ես հաստատ ապուինած եմ, Ամենակալ Տիրոջս և հաւատացած եմ, որ իմ քարոզներից և ոչ մինը չէ հակառակ ոչ Քրիստոսի օրէնքին, ոչ էլ եկեղեցւոյ սուրբ հայրերի վարդապետութեանը»:

Այնուհետև Հուս բոլոր երկրային հոգսերը թողնելով, սկսաւ երկնայինների վրայ մտածել և մահուան պատրաստութիւն տեսնել: Նա ասում էր. «Երանի է ձեզ, յորժամ նախատիցեն զձեզ և հալածեցեն և ասիցեն զամենայն բան չար զձէնջ սուտ վասն իմ: Յնձացէք և ուրախ լեռուք, զի վարձք ձեր բազում են յերկինս, զի այսպէս հա-

լածեցին զմարդարէսն որք յառաջ քան զձեզ էին»: Մատթ. Ե.

Կայսրն և ժողովի բոլոր անլամները վերստին մի անգամ հաւաքուեցան մայր եկեղեցւոյ մէջ: Կայսրը կանգնած էր թագով և կայսերական պերճ զգեստներ հագած. նրա շուրջը գտնվում էին իշխաններն և եկեղեցական բարձր պաշտօնեաները: Ժամի մէջ պատարագ էր մատուցվում: «Հուս չոքած էր նախագաւթում, դրան մօտ. նրան արգելուած էր ներս մտնել, որպէս զի հերետիկոսի ներկայութեամբ տաճարը չպղծուէր: Մինչ պահապան զինուորները կանգնած էին նրա կողքին, նա աղօթում էր թշնամիների համար:

Եպիսկոպոսն ասաց. «Ո՛վ կայսր. Աստուած քեզ պարգևել է իշխանութիւն, որ դու սուրբ և Աստուծոյ հաճելի գործեր կատարես. ՚ի չիք դարձուր ուրեմն այս կամակոր հերետիկոսին, որ իր ժանտախտն ամեն երկիրների մէջ տարածել է, և յաւիտեան փառաւորուած կրլինի անունդ»:

Քարոզից յետոյ Հուսին տարին եկեղեցի, հրամայեցեցին որ բեմի վրայ բարձրանայ ամենքին տեսանելի լինելու համար, և սկսան կարգալ նրա կարգընկէցութեան դատավճիռը: Այդ միջոցին Հուս ասաց. «Աղաչում եմ ձեզ, թոյլ տուէք ինձ մի խօսք ասել, միայն մի խօսք, որ չկարծուի, թէ ես մի աղանդ եմ հնարել. այնուհետև վարուեցէք ինձ հետ, ինչպէս որ կամենաք»: Սակայն նրան ականջ դնող չեղաւ: Նա ծունր կրկնեց և ձեռքերը բարձրացնելով, ասաց. «Ներիր սրանց, Աստուած իմ. Գու գիտես, որ զուր են ամբաստանում ինձ»:

Ապա թէ սկսուեցաւ կարգընկէցութիւնը: Հուսին հազցրին քահանայական զգեստ, ձեռքը դրին սուրբ սկիւն, և եպիսկոպոսներն աղաղակեցին. «Ուրացիր, ուրացիր»: Հուս, դառնալով ժողովրդին, ասաց. «Այս եպիսկոպոսները պահանջում են, որ հրաժարուիմ. բայց ո՛չ, ես չեմ կարող

սրտիս վկայութեան դէմ խօսիլ և Քրիստոսի հաւատն ա-
նարգել: Եթէ ես ուրանամ, ինչ աչքով կրնայէ վրաս իմ
ազգը: Ազգիս փրկութիւնն առաւել թանգ է ինձ, քան
թէ քայքայուն կեանքիս փրկութիւնը»:

Այս որ ասաց, նրան բեմից վաչը քաշեցին, մասունք-
ներով սկին ձեռքից խլեցին, քահանայական զգեստը հա-
նեցին և եպիսկոպոսները կանչեցին—«Անաթէմա»: Երբ
նրան խուզելու վրայ էին, վէճ ընկաւ վարդապետների
մէջ, թէ արդեօք ածելիով պէտք էր կտրել նրա մազերը
թէ մկրատով: Հուս ասաց. «Ո՛վ կայսր, հաշտեցուր սը-
րանց, որովհետև չղիտեն, թէ ինչպէս նախատեսն իմ անձը»:

Մկրատով կտրեցին մազերը. յետոյ գլխին հազցրին
մի արշինաչափ թղթէ գտակ, որի վրայ նկարուած էր հե-
րետիկոսի հոգին ճիրաններով յօշատող մի սատանայ և
զրուած էր—հերետիկոս ապետ: Իսկ Հուս ասաց. «Աս-
տուած փշեայ պսակ հազաւ ինձ համար. նրա սիրոյն ես
ուրախութեամբ հագնում եմ այս նախատանաց գլխարկը»:
Յետոյ եպիսկոպոսներից մինն ասաց Հուսին. «Այսուհետև
եկեղեցին քեզ չէ ճանաչում և յանձնում է մարմինդ աշ-
խարհական դատաստանին, իսկ հոգիդ—սատանային»: —
«Իսկ ես յանձնում եմ հոգիս իմ բարեզութ Աստուծո՛ւն»,
ասաց Հուս:

Հուսին տարին կայսրի մօտ. կայսրը նշան արաւ իր
տեղակալին. տեղակալը բռնեց Հուսին և դահիճներին
մատնեց: Դահիճները թրևեցին նրան պէպի վիճակաւոր
արքեպիսկոպոսի բակը, որ նա այն տեղ իր յատուկ աչ-
քերով տեսնէ իր զրքերի այրուիլը: Յետոյ տարին նրան
պատուհասելու:

Քաղմութիւնը ետևից վազում էր, բոլոր փողոցները
ժողովրդով լցուած էին, ամեն մարդ ուզում էր տեսնել
Հուսին. ոչ ոք չէր խօսում, լուռ էին ամենքը, ասես թէ
մի մեռել էին տանում:

«Մի հաւատաք, ինչ որ ասում են իմ մասին չար մարդիկ», կրկնում էր Հուս. «Միշտ Աստուածային պատուիրանների համեմատ եմ ուսուցել, ճշմարտութիւն եմ քարոզել. աղօթք արէք իմ մասին, ես մեռնում եմ անպարտ»:

Ժողովուրդը Հուսի ետեւից վազելով ասում էր. «Չգիտենք, ինչ է սրա յանցանքը. աղօթքին և խօսքին որ նայես, առաքինի է բողոքովին»:

Հուսին բերին պատուհասի տեղը. նա ծունր չօքեց և ասաց. «Աստուած իմ, ի ձեռք քոյ աւանդեմ զհոգի իմ»: Երբ նրա գլխարկը վայր ընկաւ, զահիճը վերցրեց կանչելով. «Քնա դու էլ այրուիր դժոխքում տիրոջդ հետ, որին ծառայում էիր», և նորից հազցրեց գլխարկը Հուսի գլխին:

Հրամայեցին, որ Հուս ոտքի կանգնի. նա վեր կացաւ և ասաց. «Սուրբ Աւետարանի համար սիրով կըմեռնիմ. Տէր իմ, ներիր թշնամիներես»:

Բազմութեան մէջ ասում էին. «Առաջ չգիտէինք, թէ ինչ էր քարոզում այս մարդը. այժմ տեսնում ենք, որ սա իրաւ մի սուրբ նահատակ է»:

Հուս կամենում էր մի բան ասել ժողովրդին, բայց թող չտուէր: Նա կարացաւ միայն բարև մնա անել իր մտերիմների հետ: Այնուհետև զահիճները նրան վերցրին, չուաններով մի սիւնի կապեցին և վիզը կուպը քսած շրջթաներով պրկեցին:

Նա ասում էր. «Փրկիչն իմ Քրիստոս և՛ս առաւել ամուր բեռուեցաւ խաչի վրայ իմ մեղքերիս համար. ես եղկելիս ի՛նչպէս թող չտամ, որ ինձ այս չուաններով կապեն»: Նա կանգնած էր երեսով դէպի արևելք. բազ յետոյ շրջեցին դէպի արևմուտք, որպէս զի հերետիկոսն արևի ծագման կողմը նայել չկարողանայ: Յետոյ մարմինը յարդով և փայտերով պատեցին, ձեռքերն էլ քամակի վրայ պրկեցին:

Այն ժամանակ կայսրի դեսպանը դարձեալ մի անգամ ասաց. «Կըհրաժարուի՞ս, թէ չէ»:—«Չե՛մ հրաժարուիլ», պատասխանեց Հուս:

Խարոյկը վառեցին: Խարոյկի վրայից բոցերը դէպի երկինք սլացան և ասես թէ հազարաւոր հրեղէն օձեր Հուսի մարմինը պատեցին: Ծուխն երկինք բարձրացաւ. փայտերը ճարճատեցին: Իսկ Հուս երգում էր. «Քրիստոս, կենդանի Աստուծոյ Որդի. ողորմի՛ր ինձ բազմամեղիս, զըթա՛ն ինձ, Աստուած իմ»: Ծուխից շնչասպառ լինելով նա լռեց. չետոյ նորից երգեց. «Ողորմի՛ր ինձ, Աստուած, զթա՛ն բազմամեղիս»: Քայց երբ քամին երրորդ անգամ հուր ու ծուխ շնչեց նրա դէմքին, նա լռեց—միայն թէ շրթունքը դեռ շարժում էին, ասես թէ աղօթք մըմնջելով:

Փայտերը որ այրուեցան, Հուսն արդէն չկար, այլ միայն նրա խանձուած մարմինն էր մնացել սիւնի վրայ: Դահլիճները սիւնը տապալեցին և մարմնի հետ միասին նորից այրեցին: Գլուխն և ոսկորները ջախջախեցին, սիրտը փայտի վրայ անցկացրին և կրակի վրայ խորովեցին. և որպէս զի հերետիկոսի փոշին անգամ չմնայ, հաւաքեցին նրա աճիւնն և Ռէնոս զետի մէջ թափեցին: Հուսի ընկերները մի բուռն հող վերցրին այն տեղից և տարին իրանց հայրենիքը—Չեխիա:

Այդ իսկ տեղի վրայ դրուած է այժմ մի մեծ վէմ. վէմը շրջապատուած է երկաթեայ վանդակով և բոլորովին մամուռտած է: Այցելուն կարգում է վէմի վրայ «Յ Յուլիսի 1415 ամի»—Հուսի մահուան օրը:

Չեխերն իւրաքանչիւր տարի Յուլիսի 6-ին հաւաքվում են այն տեղ և հողեհանդիստ են կատարում Յովհաննէս Հուսի՝ իրանց նախկին վարժապետի և քարոզչի համար:

ՓԻԼԻՊՊՈՍ ՎԱՐԴԱՆՆԱՆ

ՄԻՄԱՐՄՆ ՄԻ ՃԻՐԱԳ



Իթեռք սիրուն խաւար գիշերին
Սիրուն ճրրագի լուսովը ապշած՝
Վերջին հրրաժեշտ տալով դաշտերին,
Ճրրագի կայծովն է սիրահարուած:

Թողնում է ծաղիկ, դաշտ, արօտ դալար,
Թողնում է կոկոն, տերև ու ոստիկ.
Ճրրագի բոցին նա խիստ սիրահար՝
Թռչում է գալիս, շարժելով թևիկ:

Քայց ան, խաբուած է իմ սիրուն թիթեռ.
Ճրրագի լոյսը, կայծերն ու բոցը
Չեն թիթեռնիկի համար կենսաբեր,
Մահն է այդ լոյսի մէջ իւր բաժինը:

Ահն թրուաւ. ահն նա եկաւ,
Ճրրագի շուրջն է նա ցրնծում, պարում.
Աջ, ձախ, ցած ու բարձր առնում է կաքաւ.
Ճրրագի սիրուց նա չէ կըշտանում:

Թևիկն է խրփում ճրրագի լուսին,
Տոտիկն է շրփում նորա ջերմ բոցին.
Համբոյր է տալիս նորա կայծերին,
Կարծում է իւրն է սէրը ճրրագին:

Թեւիկն է այրում, տոտիկն է խարշում,
Սիրուն իմ թիթեռն շրջմում է, ընկնում.
Եւ կամ ճրբագի բոցերի միջին
Հրաժեշտ է տալիս օրական կեանքին:

Խեղճ իմ թիթեռնիկ, ինչո՞ւ դու թողիր
Սարերն ու ձորեր, դաշտ ու անտառներ.
Ինչո՞ւ հեռացար և շուտ ձրգեցիր
Ծառ, ճիւղ ու տերև, ծաղիկ, արօտներ:

Կարծեցիր ճրբազը սէրդ կրնդունէ՞,
Եւ ինչպէս ծառը, ծաղիկն ու արօտ՝
Սէրդ կրգրիէ՞, քեզ կրփայփայէ՞,
Ո՛չ, նա քեզ համար՝ անլոյս և աղօտ:

Սիրի՛ր դու ճրբազ, սիրի՛ր լոյս ու կաջ՝
Որ պարզւել է քեզ երկնից Աստուած.
Չար մարդկանց ձեռքով վառած ճրբազը
Ի կեանքիդ միակ օրհասն ու մահը.

Թըռի՛ր դու հեռու
Եւ միշտ երկնաչու.
Քեզ ծառ. ու ծաղիկ,
Քեզ դաշտ, արօտիկ.
Քեզ արև պայծառ
Ի միշտ կենարար.
Վերևը երկինք,
Ներքևը գետինք՝
Նոցա սրբտին մէջ
Առ քո ելևէջ.
Ահա՛ ուր քո կեանք,
Ահա՛ ուր փրկանք:

ԸՆԾԱՅԱՑԻ



ԱՂՆԻԻ ԲՈՒՍ



արդուս պիտոյքներին օգտակար կենդանիների շարքում նշանաւոր է աղնիւ բուստը (մարջանը): Գուցէ շատերը գարմանան շտերով որ մենք բուստը կենդանի ենք անուանում, որովհետեւ մինչև այժմ նա չայտնի էր իբրև քար, որից գանազան գարդեր են պատրաստում: Թող չգարմանան, Այն բուստը, որից գանազան գարդեր են շնուում ամբողջապէս կենդանին չէ, այլ նրա մի մասն է: Տեսնենք թէ այդ թնչ տեսակ կենդանի է, որ տալիս է մեզ աղնիւ բուստ, ինչպէս և որտեղ է ապրում և ինչպէս են ձեռք բերվում վաճառելու համար:



Աղնիւ բուստը ապրում է ծովի մէջ և այն մարդիկը, որոնք լաւ ճանաչում են կենդանիներին, երբէք բուստը կենդանի չեն համարել ոչ այն ժամանակ, երբ նա չոր դրութեան մէջ էր և ոչ էլ նոյն իսկ ջրից հանելու ժամանակ: Արդարև բուստի վրայ նայելիս հէնց այն ըոպէին, երբ նրան ծովից ցանցով դուրս են քաշել, դժուար է նրան կենդանի համարել: Նա վերից նման է փափուկ ճիւղեր ունեցող ծառի, որ համեմատարար բաւական մեծ ուռուցքներով է ծածկուած: Ջրից նոր հանած բուստի ծառը փափուկ է երևում, բայց նա փափուկ է միմիայն վերևից, որովհետեւ եթէ մի

փոքր եղունգով քերենք այդ փափուկ տեսք ունեցող ծառը, կըհասնենք ծառի պինդ մասին, որը ուրիշ բան չէ եթէ ոչ բուստի քարանիւթ առանցքը որից՝ տաշելով և կոկելով՝ շենում են դանազան իրեր գարդել համար:

Կար ժամանակ, երբ գիտնականներն անգամ բուստի մասին սխալ կարծիք ունէին և միմեանց հետ վեճում էին թէ արգեօք բուստը կենդանի է թէ բոյս: Բայց ահա 150 տարուց աւելի է, ինչ որ այդ վեճը վերջացել է. այժմ էլ ոչ ոք չէ կասկածում բուստի կենդանի լինելում, որովհետև այժմ գիտեն թէ լինչպէս է նա ապրում, լինչ է նրա կերակուրը, լինչպէս է նա իր սերունդը բազմացնում, լինչպէս է նա իր քարանիւթ առանցքը պատրաստում, որ ծախու է հանվում:

Այն բանի մասին, ինչ որ մարդիկ չեն իմանում, շատ առասպելներ են պատմում: Այսպէս էլ էր բուստի մասին: Մի առակի մէջ ասվում է, որ աշխարհում եղել է մի հրէշ, որ իր հայացքով ամեն բան քար էր դարձնում. այսպէս շատ տարիներ շարունակվում էր վինչև որ յայտնուել է մի հսկայ, որ այդ հրէշը գլուխը կտրել է: Այն բոլորը, որոնց վրայ թափուել է հրէշի արիւնը և որոց դիպել է նրա գլուխը, քար են դարձել. բուստերը հէնց այդ քար դարձած բոյսերն են, ասում է առակը:

Առակի մէջ այսպէս է ասուած. բայց գիտնականներն անգամ մինչև անցեալ քարը կրկնում էին, որ ազնիւ բուստը բոյս է: Այդ ժամանակի երևելի գիտնական Ռէօմիւրն ասում էր որ «ինչպէս խիունջները կենդանիներին առաջացած քարեր են, այնպէս էլ բուստերը բոյսերից դարձած քարեր են»: Սակայն կոյն և այնպիսի գիտնականներ, որոնք բուստը բոյս էլ անգամ չէին ուզում համարել, որովհետև նրանք հարցնում էին՝ բաս ուր են նրա արմատները, տերևները, ծաղիկները և այլն: Այս միջոցին Փրանսիացի գիտնական կոմս Դէ Մարսիլին մի այնպիսի նոր գիտ արաւ, որ մեծ աղմուկ հանեց ամբողջ գիտնական աշխարհում: Այդ գիտնականը ծովից նոր հանած բուստի ճիւղը դրեց ջրով լի տմանի մէջ և տեսաւ որ ճիւղը, լինչպէս ինքն էր պատմում, ծածկուեց մի խակի նման սպիտակ ծաղիկներով: Մտեն մի ծաղիկ ունէր պատուանդան և ութ հատ թերթեր:

Կոմս Դէ Մարսիլին ուսանողներին մէկը՝ Պէյսօնէլ անու-

նով երկտասարդը սխեց ուշադրութեամբ ուսումնասիրել իր ուսուցչի գտած բուստի ծաղիկը և եկաւ այն համոզմունքին, որ դրանք ամենևին ծաղիկներ չեն, այլ կենդանիներ են և բոլորովին նման են այն ժամանակ յայտնի ծովային կենդանիներին: Բայց և այնպէս այդ օրից դեռ էլ չառ տարիներ անցան, մինչև որ բոլոր գիտնականները բուստը կենդանի ճանաչեցին: Այս նրանիցն էր, որ գիտնականներից շատերն իրանց հետազոտութիւնները չոր կտորները վրայ հին անուս և այդ կտորները նրանք ստանում էին հեռաւար տեղերից և իրանք անձամբ երբէք կենդանի բուստ չէին տեսնում:

Արդէն ասուած էր, որ ծովից հանուած բուստը չէ երևում, թէ նա կենդանի է. բայց եթէ բուստի առողջ ճիւղը զգուշութեամբ կախ անենք ծովի ջրով լի ամանի մէջ, փոքր ժամանակից յետոյ կըտեսնենք, որ բուստի քարանձախ փափուկ կեղևի վրայ եղած ամեն մի ուռուցքից մի-մի սպիտակ



մարմին է երևում, որոնք աւելի և աւելի դուրս են ձգւում և ստանում են շէշ ձև:

Մի քանի ժամանակից յետոյ շէշ բերանը բացւում է և միջից ութ հատ շառաւիղներ են դուրս գալիս: Այս շառաւիղները փետրաձև են և կոչւում են շոշափելիքներ որ ունին բուստի նման շատ կենդանիներ: Սպիտակ շիշերն ութ հատ շոշափելիքներով, սկզբում ծաղիկ էին համարում, երբ մարդիկ բուստը բոյս էին կարծում, բայց ամենապարզ փորձը մեզ համոզում է, որ նրանք կենդանիներ են: Արդարև, այդ կենդանիներն աւելի շուտով երևում են, կամ ինչպէս ասում են, բացւում են այն ժամանակ, երբ բուստին շրջապատող ջրի տաքութիւնը լինում է Յէլսի 12 մինչև 15 աստիճան: Եթէ փոքր ինչ սառը ջուր աւելացնենք՝ կենդանիները թաք կըլինեն, թէև յետոյ ի հարկէ նորից կարող են բացուել: Նմանապէս նրանք շուտով թաք կըլինան, եթէ մի բանով նրանց դիպչեն կամ ձեռք տան նրանց շոշափելիքներին: Բայց նրանց կենդանի լինելու աւելի լաւ ապացոյցն այն է, որ ամեն մի սպիտակ շիշ՝ իր ութ հատ շոշափելիքների մէջ տեղում, ունի բերանի ճեղք, որի միջով նա ընդունում է կերակուր: Եթէ ուշադրութեամբ գնենք

բուստի ճիւղն և սրա վրայ բացուած կենդանիներն շօշփելքներով կընկատենք որ այդ բոլոր կենդանիները հաւասար մեծութիւն չունին. Նրանց մէջ կարելի է գտնել համեմատաբար հսկաներ, որոց մի շօշփելքի ծայրից մինչև նրան հակադիր շօշփելքի ծայրի տարածութիւնը հաւասար է մի քառորդ վերջօկի, երբ կենդանին շօշփելքները բոլորովին բաց է անում. իսկ շատերի այդ տարածութիւնը հասնում է $\frac{1}{20}$ մինչև $\frac{1}{40}$ վերջօկի: Մի և նոյն ճիւղի վրայ՝ բացի այդ տեսակ բոլորովին զարգացած կենդանիներից, կարելի է գտնել և շատ նորաիթիթ կենդանիներ, որոնք միմեանց ետեւից աճում են հասունացած կենդանիներն արանքներում: Սրանք կոչվում են պտուկներ: Մի և նոյն ճիւղի վրայ կարելի է տեսնել կենդանիներն մի շարք զարգացման՝ գանազան աստիճաններով՝ սկսած ամենափոքր սպիտակ բծից մինչև համարեա կատարելապէս զարգացած կենդանի: Աթէ ծովից հանենք ոչ թէ ճիւղ, այլ բուստի ամբողջ ծառը, այնպէս, ինչպէս որ նա ապրում է ջրի տակ, կըտեսնենք որ վերև յերաժ զպտուկները, որոնցից զարգանում են առանձին կենդանիներ, շատ թուով գտնվում են ճիւղի ծայրերին: Աթէ լաւ էլի քննենք բուստի ճիւղը, կըհամոզուինք, որ նա աճում է երկայնութեամբ, այսինքն իր ծայրում, այնտեղից, ուր միմեանց ետեւից կազմվում են պտուկները: Վերջը պտուկները կատարեալ կենդանիներ են դառնում և սրանցից ամեն մէկն իրան մօտ իր բաժին փափուկ կեղև է կազմում: Բայց մենք ստորև կըտեսնենք որ այդ կենդանիներից աճում է բուստի ոչ թէ միայն կարմիր փափուկ կեղևը, այլ և նրանցից պատրաստվում է քարանիւթ առանցքը, որ մեծ գին է տալիս այդ կենդանուն: Մենք կըտեսնենք որ ամեն մի կենդանի հէնց իր ծագման ընդհանուր առանցքի վրայ թողնում է իր հետքը: Աթէ առանցքն այսպէս է կազմվում նշանակում է որ նա սկզբում պէտք է լինի անկանոն ձևով: Սրդարև, մենք կըտեսնենք որ սկզբում նա անկանոն է, փուխը և անկլեւաւոր և միայն յետոյ ստանում է կանոնաւոր ձև:

Սրա համար մեզ հարկաւոր է ծանօթանալ բուստի ծառի բոլոր մասերին, այսինքն առանձին կենդանուն, կարմիր կեղևին և առանցքին:

Մենք տեսանք որ զրսից ամեն մի կենդանի ունի շիւշաձև մարմին ութ հատ շօշփելքներով, որոնց մէջ սեղը

գտնվում է բերանը: Այժմ տեսնենք թէ ներսից կենդանին ինչ է ներկայացնում: Եթէ կենդանուն կտրենք առիշեղ և երկայնութեամբ, կրտսնենք որ նրա մարմինը ներսից այնքան էլ բարդ կազմուածք չունի, ինչպէս աւելի բարձր կենդանիների մարմինը: Բայց և այնպէս այս փոքրիկ պօլիպի (այսպէս են կոչվում ազնիւ և միւս բուստերը) ներքին կազմուածքը շատ թէ քիչ կանոնաւոր է: Մարմնի մէջ կարելի է տեսնել զանազան գործարաններ, որոնք կենդանու պարզ կենցաղավարութեան այս կամ այն պիտոյքների համար են



ճառայում: Այսպէս, առաջ կրտսնենք մի շատ կարճ խողովակ որ սկսած բերանից իջնում է կենդանու մարմնի խոռոչը. այդ խողովակը նման է բարձր կենդանիների որկորին, այսինքն աղիքային խողովակի այն մասին, որտեղից կերակուրն անցնում է ստամոքսը և աղիքները: Բայց պօլիպը չունի ստամոքս և աղիքներ. նրա սննդառու խողովակը բաց ծայրով վերջանում է մարմնի խոռոչում: Կենդանու մարմնի խոռոչը միակերպ պարզ չէ. նա բաժանուած է ութ սենեակների առանձին միջապատերով, որոնք սկսում են կենդանու մարմնի մի կողքից և հասնում են նրա մէջ տեղը: Սակայն այդ բոլոր միջապատերը մինչև խոռոչի մէջ տեղը չեն հաս-

նում, այլ վերևում նրանք հասնում են մինչև սննդառու խողովակը, իսկ ստորին մասում ազատ են մնում: Այդ պատճառով պօլիպի ամբողջ խոռոչը բաժանուած է ութ սենեակների, որոնք վերևում միմեանցից հեռացած են, իսկ ստորին կողմում իրար կպած են: Ութ հատ շոշափելիքներից ամեն մէկը դրսևից դրած է իւրաքաչիւր սենեակի վրայ: Եթէ համեմատենք պօլիպի կազմուածքը բարձր կենդանիների կազմուածքի հետ, կարելի է եզրափակել, որ սենեակների բաժանուած նրա մարմնի խոռոչը նման է բարձր կենդանիների մի շարք գործարաններին և ինչ որ այստեղ կատարվում

է առանձին առանձին գործարանների մէջ, պօլիպի մէջ նոյնը կատարւում է միանգամից մի և նոյն տեղում:

Գիտենք նոյնպէս, որ բուստերը խորասուզուած են կարմիր կեղևի մէջ. այս կեղևով ծածկուած են նրանց ճիւղերը կամ ամբողջ ծառը: Դա մեռած բան չէ, որովհետև նրա մէջ են կազմւում պտուկները, որոնցից զարգանում են նորանոր կենդանիներ: Այս բանը բաւական է, որ մեզ համոզէ, թէ կեղևը կենդանի մարմին է. և ինչպէս տեսնում ենք, նույն կազմում է բուստի նշանաւոր մասը, որովհետև սրանից առաջ են գալիս նորանոր կենդանիներ և սրանից էլ աճում է ամբողջ բուստը, ուրեմն և սրա թանգագին առանցքը: Այս առանցքն աճում է ոչ թէ միայն ըստ երկայնութեան, այլ և ըստ լայնութեան. այս բանը հասարակ փորձով էլ կարող ենք իմանալ: Եթէ ճիւղի որ և է տեղից հասնենք կեղև և մեզ այս փորձը յաջողի՝ կրտսնենք որ ճիւղը չէ մեռնում, այլ շարունակում է աճել այն զանազանութեամբ միայն, որ կտրած տեղում առանցքը չի լայնանում, մինչ դեռ ուրիշ տեղերում նա լայնանում է: Մենք գիտենք որ առանց սննուներ կեանք չի կարող լինել. ուրեմն թնչպէս և ռոտեղից է առնում կեղևն իր սնունդն և թնչպէս նա կարողանում է նպաստել առանցքի լայնանալուն. Այս խնդիրը հեշտ է լուծել, եթէ մենք աւելի մօտիկ ծանօթանանք կեղևի կազմուածքին: Նախ և առաջ հարկաւոր է նկատել, որ բուստի առանձին կենդանիները կամ պօլիպները կեղևից բաժանուած չեն, այլ ընդ հակառակի շատ էլ սերտ կերպով միացած են նրա հետ: Իւրաքանչիւր կենդանու խոռոչից դուրս են գալիս և խորասուզւում են կեղևի մէջ խողովակաձև անօթներ և ճիւղաւորուելով նրա մէջ կազմում են անօթային անկանոն ցանց: Այս անօթները տարածւում են ամբողջ կեղևի մէջ այնպէս, ինչպէս որ մեր մարմնի մէջ տարածւում են արեան անօթիները: Անօթային այս անկանոն ցանցը կողմնակի ճիւղերով միանում է մի ուրիշ ցանցի հետ, որ ունի այլ բայց և կատարեալ կանոնաւոր դասաւորութիւն: Այս երկրորդ ցանցը գլխաւորապէս բաղկացած է խողովակաձև անօթներից. սրանք զուգահեռաբար միմեանց անցնում են ամբողջ առանցքի շուրջը և տեղ տեղ միայն միանում են թէ իրար հետ և թէ վերին կամ անկանոն ցանցի անօթների հետ: Սրանից չեաոյ պարզ է, թէ ինչպէս է ապրում կեղևը և թէ սրա օգնու-

Թեամբ առանցքն ինչպէս է աճում: Այն ինչ որ բուստի պօլիան ընդունում է իբրև կերակուր, մտնում է նրա խոռոչը և դառնում է կենդանու սննդարար հիւթ: Այս սննդարար հիւթը միայն իրան կենդանու օգտի համար չէ նշանակուած, այլ նրա մի մասը վազում է ցանցի անօթներէ միջով, Թափանցում է կեղևի ամենայն տեղերը, մինչև առանցքը, կամ լաւ է ասել, մինչև այն գուգահեռական անօթները, որոնցով շրջապատուած է առանցքը:

Այսպէս ուրեմն բուստի մէջ սննդարար հիւթերի ազբերն իրանք պօլիպներն են. սրանք իրանց շոշափելիքներով որսում են մանր կենդանիներ, սրանց մարսում են և դարձնում են սննդարար հիւթ, որը վազում է նրանցից բուստի ճիւղի և ամբողջ ծառի միջով և այդպէս պահպանում է նրանց կեանքը:

Վերևում մենք տեսանք որ բուստը բաղկացած է փափուկ, կեղևից և քարանիւթ կմախքից. տեսանք նոյնպէս, որ քարանիւթ կմախքը կազմում է կենդրոնական առանցք, որ տալիս է կողմնակի շառաւիղներ: Այս շառաւիղներից ամեն մէկը նոյնպէս կազմում է իրա ճիւղի կենդրոնական առանցքը: Տեսնենք այժմ Թէ բուստի ամբողջ կմախքը կազմումն է արդեօք միայն այդ կենդրոնական առանցքից և ճիւղերից, Թէ էլ ուրիշ բանից:

Նիւթ խոշորացուցով գնենք բուստի փափուկ կարմիր կեղևը, կրնկատենք, որ նա ամբողջապէս ծածկուած է ուռուցքի նման փոքրիկ կարմրագոյն մարմիններով: Այս մարմիններն այդքան փոքր են, որ նրանցից ամենամեծը լինում է մօտաւորապէս վերջօրի $\frac{1}{700}$ մասը: Չնայելով որ այդ մարմիններն այդքան մանր են, այնու ամենայնևև կեղևի կարմիր գոյնը կախուած է նրանցից: Որ կեղևի գոյնը կախուած է այդ մարմիններից, հաստատուում է նրանով, որ կեղևը կարմիր է երևում երբ միայն բուստը կենդանի է, երբ նրա անկուածը բոյորովին Թափանցիկ է և կարմիր մարմինները ներա միջից երևում են: Բայց երբ բուստը սատկում է՝ նրա անկուածը պղտորվում է, դեղնում է և կեղևի գոյնը փոխվում է, որովհետև կարմիր մարմիններն այլ ևս չեն կարող Թափանցել նրա միջից: Հէնց այդ մարմինները կազմում են կեղևի կմախքը. նրանք քարե պէս պինդ են և գլխաւորապէս բաղկացած են այն նիւթից, ինչ նիւթից սր բաղկացած

է մարմարիոնը, այսինքն ամխաթթուային կրից: Այդ կրային նիւթերը նոյնպէս ցրուած են թէ բուստի կենդանիներէ և թէ նրա կեղևի մէջ: Սակայն մեզ բաւելի հետաքրքիր է բուստի առանցքը, այսինքն բուստի քարանիւթ հիմքը, որից մարդիկ օգուտ են քաղում: Այդ առանցքը նոյնպէս բաղկացած է կրային նիւթից. սակայն սրա մէջ այդ նիւթերը ցրուած չեն, այլ միացած են միմեանց հետ կրային ցէմենտով: Այս բանը շատ հեշտ է նկատել եթէ կտրենք առանցքից մի շատ բարակ թիթեղ և նայենք նրա վրայ խոշորացոյցի տակ: Այս դէպքում մենք կրտեսներ որ բուստի առանցքի գոյնը, ինչպէս և կեղևինը, կտխուած է միայն այդ փոքրիկ մարմիններէրց: Այսպէս ուրեմն բուստի ծառի ամբողջ մարմնի մէջ ցրուած են կմախքի կտորներ և միայն ծառի բնի և նրա ճիւղերի մէջ այդ կմախքը ցէմենտի օգնութեամբ ամրանում է, կազմելով ընդհանուր առանցք:

Վերևում համառօտ կերպով մենք ծանօթացանք բուստի ծառի կազմուածքին: Ի՞նչպէս է առաջ գալիս այդ ծառը: Մենք տեսանք և համոզուեցանք, որ բուստը կենդանի էակ է, կամ ուղիղ սասած՝ բուստի ծառը մի խումբ կենդանիներ են, որոնք ի միասին ապրում են և որոնց մարմինները մասամբ բաժանուած են, մասամբ միացած են իրար հետ այնպէս, որ դժուար է լինում որոշել, թէ որտեղ է վերջանում մէկ կենդանին և որտեղ է սկսվում միւրը:

Եթէ բուստը կենդանի էակ է, ուրեմն նա պէտք է առաջ գայ մի ուրիշ կենդանուց: Արդարև այս այսպէս է: Դիտնականները հետազօտելով բուստը, գտան որ նա պատկանում է այն կենդանիների տեսակին, որոնք կենդանածին են: Նորածին կենդանին բոլորովին նման չէ իրա մօրը, այսինքն ութ հատ շօշափելիքներ ունեցող շիշաձև պօլիպին: Նա մի տեսակ որդ է, որի մի ծայրը սուր է, միւրը՝ լայն: Սուր ծայրը կենդանու առջևի մասն է կազմում, որովհետև այնտեղ է գտնվում նրա բերանի ճեղքը: Բուստ—որդը՝ դուրս գալով մօր բերանի ճեղքից, սկսում է լող տալ իր վրայ գտնուած մազմզուկների օգնութեամբ, ետևի ծայրը միշտ առջևից պահելով: Այսպէս երկու շաբաթ շարունակ ջրի մէջ լող տալուց յետոյ՝ որդը վերջապէս գտնում է մի յարմար տեղ և նրան ամուր կաշու մ է և այդտեղ յաւիտեան կախ է ընկնում բերանքսի վայր: Կաշիւուց յետոյ նորածին բուստը սկսում է

արագ փոխուել՝ նա այլ ևս որդ չէ. նրա բերանի շուրջը դուրս են գալիս շօշափեղիքներ և սակաւ առ սակաւ բոլորովին նըմանվում է իրա ծնող պօլիպին: Այսպէս ուրեմն այն սպիտակ որդերն, որոնք ժամանակ առ ժամանակ դուրս են գալիս բուստի ճիւղերի պօլիպներէց, վերջը իրանք էլ պօլիպներ են դառնում: Այժմ հեշտ է հասկանալ, որ պատրաստ բուստերից առաջ եկած նորածին պօլիպները նոր բուստի ծառի հիմք են դառնում: Այսպէս էլ լինում է: Սրբ նորածին բուստը ստանում է շօշափեղիքներ, նա արագ մեծանում է. նրա ստորին մասը սկսում է աւելի և աւելի կարմրել, որովհետև նըրա մէջ մեծ քանակութեամբ կազմվում է մեղ լաւ յայտնի կրային նիւթը: Այդ ստորին մասն աւելի զանազանվում է վերին մասից, որի վրայ գտնվում են բերանն ու շօշափեղիքները: Վերին մասը կարող է ներս քաշուել ստորին կարմիր մասի մէջ այնպէս, ինչպէս որ պատրաստ բուստի պօլիպները ներս են քաշվում բուստի ճիւղերը ծածկող կարմիր կեղևի մէջ: Այսպէս բուստ—որդը արդէն դարձաւ բուստի ծառի հիմք. նրա մէջ տեսնում ենք այն ամենայն բանը, ինչ որ տեսանք և ծառի մէջ. այսինքն՝ կարմիր փափուկ կեղև և առանձին կենդանի, որ միայնակ է այդ սկզբնական ծառի վրայ: Նրա մէջ կարող ենք տեսնել և՛ բուստի ծառ կամ ճիւղ կազմող երրորդ մասի հիմքը, այն է առանցքի հիմքը: Բայց սա այստեղ պայտի ձևով է երևում, որովհետև ծառի վրայ գտնվում է միայն մի կենդանի: Այս պայտը բաղկացած է մեղ յայտնի կարմիր կրային մարմիկներից, որոնք ցրուած են նորածին բուստի կարմիր մասի մի կողմում և իրար հետ շատ թույլ կերպով կապւած են ցէմենտով: Այս սկզբնական ծառն ինչպէս է դառնում արդեօք մեծ բուստ: Սրա պատասխանը շատ կարճ է: Այս բոլորովին այնպէս է լինում, ինչպէս որ պատրաստի բուստի ճիւղերը աճում են երկայնութեամբ: Առաջին պօլիպի կողքից, փոքր ինչ վերև՝ միմեանց ետևից՝ երևում են պտուկները. սրանցից ամեն մէկը դառնում է պօլիպ և կազմում իրա բաժին՝ կարմիր կեղև և միջին առանցքի մաս: Առանցքի մասը կազմվում է միմեանց վրայ դարսուող պայտերից, որ մի կողմում պատրաստում է ամեն մէկ պօլիպ: Սրանից է որ սկզբում առանցքն անկանոն ձև ունի և փուխը է. նա բաղկացած է հազիւ իրար հետ միացած առանձին առանձին պայտերից: Սրբ նոր ծառի փա-

փուկ կեղևի մէջ մեծ թուով քաղմանում են սլուխները, այն ժամանակ կազմվում է սննդարար խողովակների այն երկու ցանցը, որի մասին վերև յիշեցինք: Արանց միջով սկսում է հիւթը հոսել, որից օգուտ է քաղում բոլոր ծառը: Այս հիւթի հետ գալիս է և կրային նիւթը, որից կազմվում են նորանոր մարմիններ և ցէմենտ: Սկզբնական առանցքի անկանոն ձևերը կրային նիւթի օգնութեամբ փոքր առ փոքր հարթվում են և ի վերջոյ առանցքն ստանում է կանոնաւոր կլոր ձև, որ յայտնի է ամեն մէկին ով որ միայն տեսել է բուստը մաքրած և ոչ թէ կոկած և նրանից զարդեր շինած:

Բուստի կազմութեան և նրա բնական պատմութեան հետ ծանօթանալուց յետոյ, խօսենք այժմ նրա որսալու եղանակի և վաճառման մասին:

Բուստեր որսում են Միջերկրական ծովում և գլխաւորապէս Ալժիրայի ափերի մօտ: Նրանց որսալու համար շինում են առանձին նաւեր: Այդ նաւերը մեծ չեն. նրանցից ամենամեծը կարող է վեր առնել իր վրայ 10—12 մարդ. բայց կան և այնպիսիները, որոնց մէջ կարող են նստել միմիայն 3—4 մարդ: Բուստեր որսում են առանձին կերպով շինած ցանցերով, որ քաշ են տալիս ծովի յատակի վրայ: Սըրանցից երևում է որ ցանցը պէտք է կաշուն լինի: Ինչպէս յայտնի է միզ բուստերն ապրում են ծովի տակ. այնտեղ նըրանք կպած են որ և է առարկայից: Աւրեմն նրանց ոչ թէ պէտք է որսալ, այլ պէտք է սուկել քարերից: Եթէ սրա հետ յիշենք որ բուստերն ապրում են ծովի մէջ 40—50 սաժէն խորութեամբ, այն ժամանակ հեշտ է հասկանալ, թէ որքան դժուար է լինում այդ չափ խորութեամբ քաշ տալ ցանցերը ծովի մէջ. չմոռանանք և այն, որ այդ ծանր աշխատանքը աւելի դժուարանում է, որովհետև բուստերի որսը կատարվում է ափրիկական ամենաշոգ ժամանակին: Միև կողմից պէտք է ասել, որ ցանցի քաշ տալը՝ ինչպէս և ամենայն հասարակ աշխատանք որ բացի ոչժից ոչինչ աւելի չէ պահանջում, շատ էժան է գնահատվում և աւելում է վեց ամիս (բանւորները հանգստանում են միայն օրական վեց ժամ քընելու համար): Այս աշխատանքն այնչափ ապերախտ գործ է, որ մինչև անգամ առած կայ հնարած, որ ասում է թէ՛ «Բուստ որսող դառնալու համար պէտք է դող և աւազակ լինել»:

Ծովի տակ քաշ տուած ցանցը կազմուած է Հետեւեալ կերպով՝ երկու փայտէ ձող (մեծ ցանցի ամեն մէկ ձողի երկայնութիւնը լինում է մի սաժէն) կապում են միմեանց վերայ խաչաձև. խաչի մէջ տեղից ծանրութեան համար քար են կապում որ ցանցը ծովի տակ անեն: Իսկապէս բուստեր որսող ցանցը բաղկացած է մի խնւրձ ցանցերից, որոնք կը պած են խաչից: Սկզբում պատրաստում են մատի հաստութեան թույլ ոլորած թոկից ցանցեր խոշոր աչքերով. ամեն մի այդ տեսակ ցանցի միջից թոկ են անց կացնում և սրա օգնութեամբ ցանցը հաւաքում են ու ծալում: Այսպէս արատրաստած ցանցեր յետոյ խրձաձև կապում են: Եթէ ցանցի խաչը մեծ է, նրա ծայրերից և մէջ տեղից կապում են մինչև 38 խուրձ փոքր ցանցեր. Նրբ այսպէս կազմած ցանցը քաշ են տալիս ծովի տակը, կարծես տասնեակ ձեռքեր սողում են յատակի վրայ: Այս ձեռքերն ի հարկէ աշխատում են կուրօրէն և շոշափմամբ. սրանք շատ կաշուն լինելով որսում են ամենայն ինչ պիտանի և անպէտք, ինչ որ նրանց պատահում է ճանապարհին: Օրուայ մէջ 7—15 անգամ դուրս են քաշում ծովից ցանցը նաև վրայ և նրա միջից հաւաքում են այն ինչ որ հարկաւոր է և պիտանի, յետոյ ցանցը նորից ծովն են ձգում: Եարունակ վեց ամիս այսպէս նրանք աշխատում են. աշխատող նաւը բոլոր ժամանակ ծովի մէջն է և եթէ միայն նա ափին մօտենում է, այն էլ կարկատանքի կամ պաշարեղէն վերցնելու համար: Ի հարկէ նաւապետին ծանօթ պէտք է լինի ծովը որ իմանայ բուստեր որսալու տեղեր:

Բուստի որսը վաճառականութեան ամենաարդիւնաւոր ճիւղն է: Որսած բուստի քանակութիւնն իմանալու համար վերցնենք ամենաճիշտ թուեր որ ցոյց է տալիս այդ գործի տարեկան արդիւնքը: Ալժիրացում 1860 թուին այդ գործով զբաղուած է եղել 204 նաւ. որսել են 1868 փութ բուստ, որ արժէք 362,237 ուրբի 50 կոպէկ: Այս գումարից կարելի է դուրս բերել թէ բուստի ամեն մի փութը միջին թուով արժէ 194 ուրբի, կամ մի գրուանքան մօտ 5 ուրբի: Անտաշ բուստի գինն իսկապէս զանազան է. նա կախուած է ճիւղի մեծութիւնից և գոյնից: Կան բուստեր որոնց մի գրուանքան արժէ 50 կոպէկ, բայց կան և այնպիսիներ, որոնց գրուանքան ծախվում է 50 ուրբիով. մի կողմ թողնենք այն, որ մի

փոքր կտորի համար տալիս են ահագին գումարներ: Շատ
Թանկ են վարդագոյն բուստերը: Ինչ ասել, որ չտաշած ու
չկոկած բուստի գինը համեմատաբար ոչինչ է նրանից շինած
գարդերի՝ ու իրերի գնի հետ: Արանց գինը ուղիղ կախուած է
շէնքից: Մօտաւորապէս կարելի է ասել որ կոկած ու տաշած
բուստը 5—6 անգամ Թանկ է բնական բուստից:

Թէև եւրոպացիք սիրում են բուստից շինած գանաղան
գարդեր, բայց նրանցից չետ չեն մնում և արևելեան ազգե-
րը: Արարիոյ մի քանի տե երում բուստից շինած գարդերը
մինչև անգամ Թաղում են մեռելները հետ՝ այնքան մեծ
է բնակչաց սէրը դէսը այդ Թանգագին իրը:

ԱՂԵՒՍԱՆԴԻ ՔԻՇՄԻՇԵԱՆՑ



ՀԵՏԱՔՐՔԻՐ ՏԵՂԵԿՈՒԹԻՒՆՆԵՐ

Ապակենձան թափանցիկ թուղթ: Մի երիտասարդ Ֆապոնացի, որ իր ուսումն ստացել է Փարիզու լիցէյում, վերջին օրերս մի շատ հետաքրքրական գիւտ է արել: Նա գտել է ծովային բոյսերից շատ հաստ եւ մի եւ նոյն ժամանակ բոլորովին թափանցիկ թուղթ շինելու հնարը: Այդ թրղթին ինչ հաստութիւն ուղէք կարող էք տալ. հեշտ ներկվում է վանազան գոյներով եւ նրա վրայ կարելի է ձեւակերպել հին գեղանկարների նմանութիւնը: Բացի դրանից, նոր հնարած թուղթը կարելի է գործածել ինչպէս պատուհանի ապակի: Ինչպէս հաւատացնում է դրա հնարողը, ջուրը, խոնաւութիւնը դրա վրայ ոչինչ ազդեցութիւն չեն կարող ունենալ:

Գազացած ջրի տեղափոխումը: Աշխարհահռչակ Պաստէօրի եղբորորդէ երիտասարդ բիւմիկոս Պաստէօրը նորերս մի շատ յաջող գործադրութիւն արաւ մի նշանաւոր քիմիական պիւտի, որն առաջուց յայտնի էր: Պաստէօրին յաջողուեցաւ ջուրը տեղափոխել մի տեղից միւս տեղ գազի ձեւով, այսինքն լուծած նրա բաղադրիչ մասերին, այն է—թթուածնի եւ ջրածնի: Արովհետեւ վերջինս առաջինից տասն եւ վեց անգամ թեթեւ է եւ կարող է տեղաւորուիլ օդապարիկներում, այդ

պատճառով ուղտերի մեծամասնութիւնն իսկապէս պէտք է թրծուածին կրեն, որով մի եւ նոյն ժամանակ կարելի է եւ լուսաւորել քարավանի մանապարհը մութ գիշերներին: Անհրաժեշտ բույէին հարկաւոր է խառնել երկու գազերը եւ քարավանը կունենայ ջուր: Ֆրանսիական կառավարութիւնը Պաստէօրի այսպիսի յաջող գիւտի համար շնորհել է նրան «Պատույ Լէգէոնի» շքանշանը:

Անուշահոտ քաղախ սենեակները համար: Լաւ քաղախի մէջ պէտք է ամել այնքան ջնանգած (չոր) կիր, որքան կարող է հանգցնել քաղախը. յետոյ հեղուկ մասը պէտք է թափել, իսկ մնացած թանձր տախանքը չորացնել օդում կամ վառարանում: Այդ խառնուրդի մի կրտորը եմէ ձգէք սրուկիի մէջ եւ վրան կամեցնէք մի կամիւ ձծրմբաթթու կառաջանայ գորրջի, որ ասվում է անուշահոտ քաղախի ծով:

Չմեռը, սենեակում մարգագետին: Մի ափսէի մէջ պէտք է դնել մի շերտ բամբակ, թրջել ջրով, ցանել դրա վրայ դրի հաւասարապէս եւ խիտ եւ դնել պատուհանում ու ամեն օր շարունակ թրջել: Երկու շաբաթից կերեւան ծիւեր եւ շուտով բամբակի ամբողջ մակերեսը կծածկուի թարմ կանաչով:



ՀԱՅԵՐԷՆ ՊԱՐԲԵՐԱԿԱՆ ՀՐԱՏԱՐԱԿՈՒԹԻՒՆՆԵՐ



այոց մէջ այժմ հրատարակուած են հետեալ լրագիրները և ամսագրերը:

Կ. Պօլսում. — Արևելք, Մասիս, Աւետարներ, Աւետարներ Մանկանց, Բիւրակն, Բուրաստան Մանկանց, Գիտական Ջարժում, Երկրագունդ, Հայրենիք, Հնչուկ, Ջարժում, Փունջ, Տնտես և Լեզու: Զմիւռնիա. — Արևելեան Մամուլ: Ս. Էջմիածին. — Արարատ: Թիֆլիս. — Աղբիւր, Մշակ, Արձագանք, Կոր-Դար: Մարտչլ. — Արմենիա: Վենետիկ. — Բազմավէպ: Վիեննա. — Հանդէս ամսօրեայ: Ընդ ամենն Հայերէն պարբերական հրատարակութիւններ ամբողջ Ազգի մէջ լոյս են տեսնում այս 1887-ին քսան և երեք հատ: Դրանցից ամենից մեծն է Արևելք, իսկ ամենից հինն է Բազմավէպ 1842 թուից սկսած: Պատկերազարդներն են Բուրաստան Մանկանց և Աղբիւր:





Հ Ա Ն Ե Լ ՈՒ Կ Ն Ե Ր


Առաջ. Մ. Ա.

Յերեկը քնում է,
Գիշերը նայում,
Առաւօտը մեռնում է,
Նրեկոյեան զարթնում:

Առաջ. Նոյն

Երբ ինձ չեն իմանում,
Իմանալ են ուզում,
Իսկ երբ իմանում են,
Ջուտով էլ մոռանում են:

ԿԱՐԿԱՑԻՔ ՈՒՄ ԱԶԳԱՆՈՒՆՆ Է.



Առաջ. Ա. Սարդարեանի

	*	*	Ժամանակ.
գ	*	*	Բայ է չեղոքական (գրաբառ).
դ	*	*	Գոյական անուն.
թ	*	*	Գոյական անուն (գրաբառ).
ժ	*	*	Գոյական անուն. Հիմնարկութիւն.
ժ	*	*	Ժամանակ.
լ	*	*	Բայ չեղոքական (գրաբառ).
ծ	*	*	Գոյական.
կ	*	*	Բայ չեղոքական (գրաբառ).
կ	*	*	Շաղկապ.
հ	*	*	Գոյական.
մ	*	*	Գոյական.
շ	*	*	Գոյական անուն. քաղաք. չառուի.
տ	*	*	Ներգործ. բայ.
ք	*	*	Յատուկ անուն.


ԳՏԵՒ ԱՍՏԳԱՆԻՇ ԲԱՌՈՐ:



ՀՈՒՏԱՍԵԼՈՒԿ

Ծուռ ծառին ծառի ծաղիկ:

Ր Ե Ր ՈՒ Ս



	կ			
	ս	ա	ս	
կ	ա	ն	ա	չ
	ս	ա	օ	
	չ			

Նախընթաց №-ի մէջ եղած Հանելուկի, ըբբուսի և առաջարկութեան բացատրութիւնը: Հանելուկի բացատրութիւնը՝ Հեռագիր: Բբբուսի բացատրութիւնը՝ Պատմութիւն ուսումնասիրողը մեծ մարդ կարող է դառնալ: Առաջարկութեան բացատրութիւնը՝ «քանի» բառն է, որի սեռականը կազմվում է ՍԻ մասնիկով—քանիսի. Ղարաբաղի բառբառում «լիս» բառն է, որի սեռականը լինում է «լիսչու»: Միավանկ Ի վերջաւորուած բառերից սեռականում Ի-ն չի կորչում, ինչպէս ձիու, թիու...

«ԱՂԲԻՒՐԻ» № 4-ՈՒՄ ՏՊՈՒԱԾ ԲԵՏՈՒՍԸ ՈՒՂԻՂ
ՎՃՌԵԼ ԵՆ *)

- 1) Աշտուշեց տ. ԱՆՆԱ ԱՂԱՍԱՐԵԱՆՑ.
- 2) Զո-շու-ց պ. Միրզա Տէր-Մարգսեանց.
- 3) Թու-րիլեց » Զաքարիա Նազարբէկեանց.
- 4) Գանչակեց » Նիկողայոս Բաբաբէխեանց.
- 5) Թեֆլիշեց օր. Մարգարիտ Բաբայեան.
- 6) Ասոր-ախանեց » Գալիանէ Տէր-Խաչատրեանց.
- 7) Թեֆլիշեց պ. Սեմէօն Չխեան.
- 8) Ախալցեալեաց » Յովհաննէս Ս. Գրիգորեան.
- 9) Երեւանեց » Յարութիւն Չախմաթսագեանց.
- 10) » » » Յովհաննէս Տէր-Մարտիրոսեան.
- 11) Թեֆլիշեց օր. Մարգարիտ Մելիք-Բէգլարեան.

**Պատմութիւն ուսումնասիրողը մեծ մարդ
կարող է դառնալ**

ՍԻԱԼ ՈՒՂԱՐԿԵԼ ԵՆ.

- Թեֆլիշեց՝ պ. Արամ Առվանեան այսպէս՝ Այս պատմութիւն մա-
նուկասեր: Յ մեծ մարդ չէ մեքենայ դարձնողը:
» » Արմենակ Մառանջեանց, Պատմութիւն գրողը մեծ
մարդ կարող է դառնալ:
Մոսկուայեց (Հեռագրով) տ. Նինա Զարգարեանց. Մեզ շրջապատ
բնութիւն ուսումնասիրողը մեծ մարդ կարող է
դառնալ:
Սոչուիեց Օր. Նատալիա Նարեանց. Պատմութեան դրօշակի ծա-
ռայողը մեծ մարդ կարող է դառնալ:
Գանչակեց Միրայէլ Խաչումեանց. Պատմութիւն մարդասիրողը
մեծ մարդ կարող է դառնալ:
» » Օր. Նուշանիկ Թեմուրեանց. Պատմութիւն գրող մար-
դը մեծ մարդ կարող է դառնալ:

*) Վճռող անձանց անունները դասաւորուած են ոչ թէ մեր ստա-
ցածին պէս, այլ հաստատ տեղեկանալով, թէ ուր որ օր է ստացուած «Աղ-
բիւրի» № 4-ը եւ ով՛ իր ստացած օրից հաշուած՝ շուտ է վճել:

Խմբագիր-Հրատարակիչ՝ ՏԻԳՐՍՆ ՆԱԶԱՐԵԱՆՑ